

- terenu, usluge splavarenja i raftinga te ostale turističke usluge.
- d) Putnička agencija je registrirano pravno lice, ili njihova organizacijska jedinica, koje pruža usluge organiziranja putovanja ili posredovanja usluga vezanih uz putovanje i boravak turista, direktno ili putem interneta.
- e) Turista je fizičko lice koje najmanje 12 sati boravi van mjesta svog prebivališta, radi zadovoljavanja kulturnih, društvenih, socijalnih, historijskih i drugih potreba relaksacije i odmora, a bez svrhe sticanja dobiti.
- f) Korisnik turističke usluge je turista, putnik, potrošač ili drugo fizičko lice koje neposredno koristi usluge turističkih subjekata iz ovog Zakona.
- g) Turističko mjesto je organizaciona i funkcionalna cjelina sa formiranom turističkom ponudom, prirodnim vrijednostima, kulturnim dobrima i drugim znamenitostima značajnim za turizam, komunalnom, saobraćajnom i turističkom infrastrukturom, kao i objektima i drugim sadržajima za smještaj i boravak turista na određenom prostoru općine ili više turističkih mjesta na području jedne općine kao administrativne cjeline, te na prostoru koje administrativno obuhvata više općina.
- h) Turistički prostor je prostor koji zbog svojih karakteristika, vrijednosti i prioritetne turističke namjene zahtijeva poseban režim organizacije, uređenja, korištenja i zaštite, ili se na njemu predviđa izgradnja objekata od općeg interesa.
- i) Turistička destinacija je odredište turističkog putovanja koje svojom opremljenošću i formiranom turističkom infrastrukturom i suprastrukturom omogućava prihvata i boravak turista.
- j) Turistički proizvod je kompleksan i povezan sklop pojedinačnih fizičkih usluga i proizvoda iz različitih komercijalnih i nekomercijalnih domena koje turista, odnosno posjetilac konzumira za vrijeme turističkog putovanja.
- k) Turističku infrastrukturu čine objekti za informiranje, odmor, snabdijevanje, rekreaciju, edukaciju i zabavu turista i to: skijališta, kupališta i plaže, tematski i zabavni parkovi, turistički informativni centri, centri za prihvata turista i posjetilaca, odmorišta pored puteva, objekti nautičkog turizma, tereni za golf, tenis tereni, otvoreni i zatvoreni objekti sportske rekreacije, male vještačke akumulacije sa kupalištem, bazeni za kupanje, wellness objekti, zabavno rekreativne staze i putevi (trim staze, staze zdravlja, vidikovci, panoramski putevi, biciklističke staze, pješačke staze, staze za motorne sanke i slično), uređene obale rijeka i jezera, objekti za posmatranje prirodnih rijetkosti, objekti za predah i kraće zadržavanje turista, objekti za avanturističke aktivnosti, rekreativne staze i planinarski putevi, staze zdravlja i drugo.
- l) Turističku suprastrukturu čine ugostiteljski objekti kao i galerije, izložbeni, kongresni i zabavni objekti koji su u neposrednoj vezi sa ugostiteljskim objektima i objektima sportsko rekreativnog sadržaja ili sa njima čine jedinstvenu cjelinu.
- m) Putnik je kupac koji kupuje ili je saglasan kupiti turistički paket aranžman, odnosno turističko putovanje ili druge turističke usluge. Putnik je i lice u korist kojeg kupac kupuje turistički aranžman, odnosno usluge ili lice na koje kupac ili lice za koje je kupac kupio turistički paket aranžman, prenese pravo korištenja turističkog paket aranžmana ili usluge.
- n) Paket aranžman je unaprijed utvrđena kombinacija od najmanje dvije pojedinačne usluge koje se sastoje od prijevoza, smještaja ili drugih turističkih i ugostiteljskih usluga koje čine cjelinu i pružaju se u vremenu dužem od 24 sata ili uključuju barem jedno noćenje, te se prodaju po ukupnoj unaprijed utvrđenoj (paušalnoj) cijeni.

- o) Izletnički program je kombinacija od najmanje dvije ponuđene usluge koje traju manje od 24 sata i ne uključuju noćenje, odnosno smještaj.
- p) Turistički vodič je fizičko lice koje pruža usluge vođenja, pokazivanja i stručnog objašnjavanja prirodnih, kulturno-istorijskih i drugih znamenitosti.
- r) Turistički pratilac je fizičko lice koje prati turističku grupu i obavlja sve potrebne poslove od početka putovanja do turističke destinacije ili odredišta i nazad.
- s) Turistički animator je fizičko lice koje planira i ostvaruje zabavne, kulturne, sportsko rekreativne i druge programe kojima organizira slobodno vrijeme turista.
- t) Turistički zastupnik je pravno ili fizičko lice koje zastupa domaćeg ili stranog organizatora putovanja ili posrednika, u odredištima putovanja.
- u) Turistička zajednica je pravno lice osnovano od strane grada ili općine, upisano u sudski registar koje obavlja djelatnost promocije i unapređivanja turizma.
- v) Turističku signalizaciju čine odgovarajući simboli i znaci, kao i simboli i znaci turističke saobraćajne signalizacije, kojim se obilježava turistička atrakcija i sadržaj turističke ponude.
- z) Poticajne mjere u turizmu predstavljaju financijske i druge vrste poticaja koji su namijenjeni turističkim subjektima radi realizacije programskih i projektnih zadataka u cilju unapređenja turizma.
- aa) Uzanse u turizmu su pravila kojima se uređuju poslovni običaji nastali iz ugovora o pružanju turističkih ili ugostiteljskih usluga, koja se primjenjuju ako su ih stranke ugovorile ili ako iz okolnosti proizlazi da su htjele njihovu primjenu, a koji se definiraju u okviru komorskih udruženja subjekata u turizmu.
- bb) Boravišna taksa je naknada za korištenje turističke, komunalne i saobraćajne infrastrukture i suprastrukture na području jedinice lokalne samouprave ili u turističkom mjestu koju plaća domaći ili strani državljanin koji izvan svog mjesta prebivališta koristi uslugu noćenja u ugostiteljskom objektu za smještaj.
- cc) Registar turizma je jedinstvena, elektronska, centralna baza podataka o registriranim ili evidentiranim subjektima koji obavljaju poslove iz oblasti turizma, a koji su registrirani ili evidentirani u skladu sa propisima, kao i o drugim podacima o turističkim subjektima i turizmu, koji se registriraju ili evidentiraju u skladu sa ovim zakonom.
- dd) Jedinstven sistem prijave i odjave turista je web aplikacija koja korisnicima omogućava prijavu i odjavu gostiju, te prijavu stranih gostiju službi za poslove sa strancima putem interneta.

Član 3.

(Gramatička terminologija)

Izrazi koji su radi preglednosti dati u jednom gramatičkom rodu bez diskriminacije odnose se na sve rodove.

Član 4.

(Načela u turizmu)

Uređenje odnosa u oblasti turizma zasniva se na načelima:

- a) integriranog razvoja turizma i pratećih djelatnosti kao činilaca ukupnog privrednog i društvenog razvoja, kojim se u skladu sa zakonom obezbjeđuje sprovođenje međusobno usuglašanih planova i programa,
- b) održivog razvoja turizma kao usklađenog sistema tehničko - tehnoloških, ekonomskih i društvenih aktivnosti, koji se zasniva na ekonomskom razvoju, očuvanju prirodnih i kulturnih dobara, očuvanju i razvoju jedinice lokalne samouprave,
- c) povećanja efikasnosti i odgovornosti u oblasti korištenja, upravljanja, zaštite i unapređivanja turističkog prostora,

- d) obezbjeđivanja jedinstvenih standarda za pružanje usluga u turizmu,
- e) partnerskog odnosa privatnog i javnog sektora i civilnog društva prilikom planiranja, oblikovanja i plasmana turističkog proizvoda na tržištu,
- f) obezbjeđivanja jedinstvene, javne i elektronske evidencije registriranih i evidentiranih podataka iz oblasti turizma,
- g) sadržanim u Etičkom kodeksu u turizmu Svjetske turističke organizacije Ujedinjenih nacija (UNWTO),
- h) planiranja i ostvarivanja politike razvoja turizma u skladu sa Strategijom razvoja turizma.

POGLAVLJE II. PLANIRANJE I RAZVOJ TURIZMA

Član 5. (Planiranje i razvoj)

- (1) Planiranje i razvoj turizma obuhvata donošenje strateških planova o budućem razvoju turističke privrede, proglašenje i održivo korištenje turističkih prostora i mjesta.
- (2) Planiranje u oblasti turizma zasniva se na načelima navedenim u članu 4. ovog Zakona i suradnji javnog i privatnog sektora u kreiranju turističkog proizvoda.

Član 6. (Planska dokumenta)

- (1) Planska dokumenta u turizmu su:
 - a) Strategija razvoja turizma Unsko-sanskog kantona,
 - b) Marketing plan turizma Unsko-sanskog kantona,
 - c) Plan promocije turizma Unsko-sanskog kantona,
 - d) Master-plan,
 - e) Strategije razvoja turizma jedinica lokalne samouprave.
- (2) Planska dokumenta iz stava (1) tačke b), c), d) i e) ovog člana moraju biti usaglašena sa

Strategijom razvoja turizma Unsko - sanskog kantona.

- (3) Izuzetno od stava (1) tačka a) ovog člana, nije potrebno donositi posebnu Strategiju razvoja turizma Unsko - sanskog kantona ukoliko je na nivou Kantona na snazi strateški dokument, koji sadrži zasebno poglavlje u kojem su postavljeni strateški ciljevi i prioriteti razvoja turizma.

Član 7. (Strategija razvoja turizma Unsko-sanskog kantona)

- (1) Strategija razvoja turizma Unsko-sanskog kantona (u daljem tekstu: Strategija) je sveobuhvatan dokument o srednjoročnom razvoju turističke privrede u skladu sa ukupnim ekonomskim, socijalnim, ekološkim i kulturno historijskim razvojem Kantona, sa osnovnim ciljevima i vizijom razvoja turizma Kantona i služi kao polazna osnova za izradu ostalih planskih akata u turizmu.
- (2) Strategiju donosi Skupština Unsko-sanskog kantona, na prijedlog Vlade Unsko-sanskog kantona (u daljem tekstu: Vlada).
- (3) Strategija se donosi za period od najmanje pet godina.
- (4) Strategija sadrži analizu postojećeg stanja razvoja turizma, viziju razvoja turizma, ciljeve razvoja turizma, strateške i prioritete pravce razvoja, plan implementacije, investicioni okvir i ostale bitne elemente za planiranje razvoja turizma koji se definiraju projektnim zadatkom.
- (5) Strategija se realizira posredstvom Marketing plana Unsko - sanskog kantona, Plana promocije turizma Unsko - sanskog kantona, Master - plana, Strategije razvoja turizma jedinica lokalne samouprave, kao i posredstvom prostornih i urbanističkih planova u skladu sa zakonom koji reguliraju oblast uređenja prostora.
- (6) U slučaju značajnijih promjena ekonomskih, socijalnih, ekoloških i drugih parametara za izradu Strategije, Skupština Unsko-sanskog kantona na prijedlog Vlade može donijeti novu strategiju na način i po postupku koji je

predviđen za njeno donošenje i prije isteka roka propisanog u stavu (3) ovog člana.

- (7) Ministarstvo privrede Unsko - saskog kantona (u daljem tekstu: Ministarstvo) prati realizaciju Strategije o čemu jedanput godišnje izvještava Vladu i Skupštinu Unsko - saskog kantona.

Član 8.

(Marketing plan Unsko-saskog kantona i Plan promocije turizma Unsko-saskog kantona)

- (1) Marketing plan Unsko - saskog kantona (u daljem tekstu: Marketing plan) sadrži istraživanje tržišta, identifikaciju ciljnih grupa - tržišta, pozicioniranje marketinškog programa i ostale bitne elemente za planiranje promocije turizma koji se definiraju projektnim zadatkom.
- (2) Ministarstvo pokreće i vodi proces izrade prijedloga Marketing plana, uz aktivno učešće svih turističkih subjekata na području Unsko - saskog kantona.
- (3) Marketing plan donosi Vlada na prijedlog Ministarstva.
- (4) Marketing plan se donosi za period od minimalno tri godine.
- (5) U skladu sa Marketing planom, Ministarstvo kreira Plan promocije turizma Unsko-saskog kantona (u daljem tekstu: Plan promocije), kojim definira godišnji plan promotivnih aktivnosti u turizmu na nivou Kantona.
- (6) Turističke zajednice iz ovog Zakona planiraju svoje promotivne aktivnosti u godišnjem programu rada u skladu sa Marketing planom.

Član 9.

(Master plan)

- (1) Master plan je kompleksan, istraživački i sveobuhvatan planski dokument, kojim se na osnovu Strategije utvrđuju ciljevi, programi i planovi razvoja turizma, koncept razvoja prostora u pogledu razmještaja objekata turističke infrastrukture, turističke suprastrukture, investicije u turizmu, planovi

marketinga i konkurentnosti, kao i mjere za njihovo provođenje, za određeni prostor od značaja za razvoj turizma, odnosno za turističku destinaciju.

- (2) Master plan donosi Vlada na prijedlog Ministarstva.

Član 10.

(Strategije razvoja turizma jedinica lokalne samouprave)

- (1) Strategije razvoja turizma jedinica lokalne samouprave su planski dokumenti kojim se bliže određuje razvoj prioriternih turističkih proizvoda utvrđenih Strategijom Unsko-saskog kantona.
- (2) Strategiju razvoja turizma jedinice lokalne samouprave donosi gradsko, odnosno općinsko vijeće jedinice lokalne samouprave uz aktivno učešće svih turističkih subjekata na području jedinice lokalne samouprave.
- (3) Izuzetno od stava 1. ovog člana, nije potrebno donositi posebnu Strategiju razvoja turizma jedinice lokalne samouprave ukoliko je na nivou jedinice lokalne samouprave usvojen strateški dokument koji sadrži zasebno poglavlje u kojem su postavljeni strateški ciljevi i prioriteti razvoja turizma na nivou općine/grada.
- (4) Gradska, odnosno općinska uprava prati realizaciju Strategije razvoja turizma jedinice lokalne samouprave i o tome minimalno jednom godišnje izvještava općinsko/gradsko vijeće.

Član 11.

(Prostori od posebnog značaja za razvoj turizma)

- (1) Vlada može odlukom pojedine prostore proglasiti prostorom od posebnog značaja za razvoj turizma.
- (2) Za prostore od posebnog značaja za razvoj turizma može se proglasiti prostor sa posebnim turističko - ugostiteljskim sadržajem pogodan za turističku valorizaciju kulturno-historijskih mjesta, te posebna mjesta locirana u prostornim cjelinama sa izraženim pejzažnim, atraktivnim i

rekreativnim osobinama na kojima se planira izgradnja objekata turističke infrastrukture i suprastrukture od općeg interesa.

- (3) Na dijelu područja turističkog prostora koje istovremeno predstavlja područje zaštićenog prirodnog ili nepokretnog kulturnog dobra i drugog zaštićenog područja primjenjuju se režimi zaštite i unutrašnji red u skladu sa propisima kojima se uređuje očuvanje i korištenje tih dobara.
- (4) Odluka iz stava (1) ovog člana sadrži procjenu opravdanosti proglašenja određenog prostora od posebnog značaja za razvoj turizma, opis prostora sa određenim granicama i popisom katastarskih parcela, kartografski prikaz prostora, kao i obaveze u pogledu očuvanja, zaštite i razvoja prostora.
- (5) Ministarstvo priprema prijedlog Odluke iz stava (1) ovog člana, po prethodno pribavljenom mišljenju Ministarstva za građenje, prostorno uređenje i zaštitu okoliša, Ministarstva poljoprivrede, vodoprivrede i šumarstva i uz saglasnost općinskog/ gradskog vijeća na čijem području se nalazi prostor koji se predlaže za proglašenjem prostora od posebnog značaja.

Član 12. (Koncesija)

- (1) Vlada može proglašeno prirodno bogatstvo ili dobro u općoj upotrebi pogodno za izgradnju turističke infrastrukture i turističke suprastrukture odlukom dati na korištenje i upravljanje pravnom licu dodjelom koncesije.
- (2) Odluka iz stava (1) ne odnosi se na zaštićena prirodna područja i speleološke objekte za koje je mogućnost davanja koncesija regulirana odredbama federalnog Zakona o zaštiti prirode i Zakona o Nacionalnom parku "Una" ("Službene novine Federacije BiH" broj:44/08).
- (3) Odluka iz stava (1) ovog člana sadrži podatke o prirodnom bogatstvu ili dobru u općoj upotrebi koje se daje na koncesiju, iznos koncesione naknade, rok trajanja koncesije, uslove i način korištenja prostora, prava i obaveze koncesionara i ostale podatke u

skladu sa zakonom koji regulira oblast koncesija.

- (4) Postupak iz stava (1) ovog člana provodi se u skladu sa kantonalnim Zakonom o koncesijama.

Član 13. (Turističko mjesto)

- (1) Turističko mjesto je organizaciona i funkcionalna cjelina sa formiranom turističkom ponudom, prirodnim vrijednostima, kulturnim dobrima, znamenitostima od značaja za turizam, komunalnom, saobraćajnom i turističkom infrastrukturom i drugim sadržajima za smještaj i boravak turista na području jedinica lokalne samouprave.
- (2) Područje jedinice lokalne samouprave proglašava se kao turističko mjesto ukoliko ispunjava uslove propisane ovim Zakonom i propisima donesenim na osnovu ovog Zakona.

Član 14. (Kategorizacija i kriteriji za kategorizaciju turističkih mjesta)

- (1) Zahtjev za kategorizaciju turističkog mjesta podnosi se Ministarstvu od strane jedinice lokalne samouprave.
- (2) Ministarstvo proglašava područje jedinice lokalne samouprave za turističko mjesto na osnovu obima turističkog prometa, stepena izgrađenosti turističke, komunalne i saobraćajne infrastrukture i turističke suprastrukture.
- (3) Osnov za razvrstavanje u kategorije turističkih mjesta po ovom Zakonu čine općine / gradovi shodno svom značaju za turizam.
- (4) Osnovni kriterij za kategorizaciju turističkih mjesta su:
 - a) trogodišnji prosjek ostvarenog broja turističkih noćenja u turističkom mjestu,
 - b) broj noćenja iz tačke a) ovog stava po stanovniku turističkog mjesta (koeficijent intenziteta turističkog prometa),

- c) ukupna vrijednost prometa u turističkoj i ugostiteljskoj djelatnosti po stanovniku mjesta (koeficijent specifičnog turističkog prometa).
- (5) Shodno kriterijima iz stava (4) ovog člana, turistička mjesta se razvrstavaju u kategorije A, B, C i D.
- (6) Ministar Ministarstva privrede (u daljem tekstu: ministar), na prijedlog Turističkog vijeća, donosi Pravilnik kojim će propisati bliže uslove i kriterije za proglašavanje turističkog mjesta, te odrediti kvalitativne i kvantitativne kriterije za proglašavanje turističkog mjesta.

Član 15.

(Komisija za kategorizaciju turističkog mjesta)

- (1) Ministar rješenjem imenuje Komisiju za kategorizaciju turističkog mjesta.
- (2) Komisija za kategorizaciju turističkog mjesta sastoji se od tri člana, od kojih je jedan član ispred Ministarstva, jedan član ispred Turističkog vijeća i jedan član ispred jedinice lokalne samouprave na čijem području se nalazi turističko mjesto koje je predmet kategorizacije.
- (3) Člana ispred Turističkog vijeća predlaže Turističko vijeće, a člana ispred jedinice lokalne samouprave načelnik odnosno gradonačelnik.
- (4) Ministar, na prijedlog Komisije iz stava (1) ovog člana, donosi rješenje o proglašenju područja jedinice lokalne samouprave, kao turističkog mjesta. Rješenje kojim je određeno područje proglašeno turističkim mjestom jedinice lokalne samouprave je konačno, a protiv istog se može pokrenuti upravni spor.
- (5) Rješenje iz stava (2) ovog člana podliježe reviziji nakon isteka roka od pet godina od dana njegovog dostavljanja.
- (6) Ministarstvo po službenoj dužnosti vodi računa o isteku roka iz stava (3) ovog člana.
- (7) Ministarstvo vodi evidenciju o proglašenim turističkim mjestima na području Kantona putem Registra u turizmu.

POGLAVLJE III. TURISTIČKA DJELATNOST I SUBJEKTI U TURIZMU

Član 16.

(Turistička djelatnost)

- (1) Turistička djelatnost, u smislu ovog Zakona, je pružanje usluga i posredovanje u turističkom prometu.
- (2) Turistička djelatnost obuhvata:
- organiziranje i provođenje putovanja i boravka lica,
 - posredovanje u pružanju pojedinačnih i grupnih usluga putovanja i boravaka i obavljanje drugih za njih vezanih usluga,
 - pružanje usluga turističkog vodiča, pratioca, zastupnika i animatora,
 - turističku animaciju,
 - davanje obavijesti i savjeta o ponudi korištenja usluga prijevoza, boravka i drugih za putnika važnih usluga,
 - posredovanje kod osiguranja putnika i prtljage,
 - poslove na razvijanju i organiziranju posebnih oblika turizma (seoski, zdravstveni, kongresni, lovno-ribolovni, planinski, vjerski, kulturni, avanturistički, sportsko-rekreativni, izletnički i dr.),
 - izdavanje u zakup vozila, bicikla, rafting čamaca, plovila, skijaške opreme i druge sportske opreme, kao i posredovanje kod davanja usluga radi njihovog pribavljanja,
 - organiziranje skupova ili izložbi sa ili bez putovanja i boravka sudionika,
 - prodaju i posredovanje u prodaji turističkih usluga,
 - i druge poslove vezane za turističku djelatnost.

Član 17.

(Subjekti koji mogu obavljati turističku djelatnost)

- (1) Turističku djelatnost obavljaju pravna i fizička lica koja su upisana u odgovarajuće registre za vršenje te djelatnosti (u daljem tekstu: turistički subjekti), koji ispunjavaju

uslove za pružanje turističkih usluga propisane ovim zakonom i propisima donesenim na temelju ovoga zakona.

- (2) Pod uslovima propisanim ovim zakonom turističku djelatnost mogu obavljati i:
 - a) pravna lica koja upravljaju zaštićenim područjem,
 - b) udruženja.
- (3) Udruženje može obavljati privredne djelatnosti samo ako je osnovna svrha takvih djelatnosti ostvarivanje ciljeva utvrđenih statutom. Udruženja mogu obavljati nesrodne privredne djelatnosti (privredne djelatnosti koje nisu neposredno povezane sa ostvarivanjem osnovnih statutarnih ciljeva udruženja) samo preko posebno osnovane pravne osobe.

Član 18.

(Obaveze turističkih subjekata)

- (1) Turistički subjekti, koji obavljaju turističku djelatnost dužni su:
 - a) objaviti uslove, sadržaj i cijenu svake pojedine usluge i pridržavati se tih uslova, sadržaja i cijena,
 - b) za svaku izvršenu turističku uslugu korisniku usluge izdati račun s brojem i čuvati kopije tog računa za vrijeme koje je određeno propisima iz područja računovodstva,
 - c) voditi poslovne knjige u skladu s važećim propisima,
 - d) u prostorijama i na mjestima gdje se prodaju turističke usluge voditi knjigu žalbe, te u roku od 15 dana odgovoriti na svaki izneseni prigovor, te prigovor korisnika turističke usluge dostaviti nadležnoj tržišnoj, turističko - ugostiteljskoj inspekciji u roku od pet dana od dana podnošenja prigovora. Oblik, sadržaj i način vođenja knjige žalbe reguliran je federalnim propisom.
- (2) Turistički subjekt za obavljanje turističke djelatnosti mora obezbjediti poslovni prostor, uređaje i opremu kao i uslove u pogledu zaposlenih lica, osim ako ovim zakonom nije drugačije određeno.
- (3) Turistički subjekti može da počne obavljati turističke djelatnosti, da obavlja djelatnost i da mijenja uslove njenog obavljanja:

- a) kada se kod nadležnog suda registrira za obavljanje turističke djelatnosti u skladu sa zakonom kojim se uređuje registracija poslovnih subjekata, ili
 - b) kada od nadležnog općinskog/gradskog organa (u daljem tekstu: nadležni organ) dobije rješenje kojim se odobrava obavljanje turističke djelatnosti, osim ako ovim zakonom nije drugačije propisano, ili
 - c) kada se kod nadležnog ministarstva registrira za obavljanje turističke djelatnosti u skladu sa Zakonom o udruženjima i fondacijama.
- (4) U obavljanju turističke djelatnosti turistički subjekti dužni su poslovati u skladu sa poslovnim običajima u turizmu (uzansama).

Član 19.

(Ostali subjekti)

- (1) Sportski klubovi i savezi, sindikati, škole i druge obrazovne ustanove, kulturno-umjetnička društva, udruženja penzionera, strukovna udruženja i sl. mogu organizirati putovanje i boravak isključivo za svoje članove.
- (2) Lica iz stava (1) ovog člana, mogu organizirati turistički paket aranžman iz stava (1) ovog člana samo povremeno i bez sticanja dobiti.
- (3) Propaganda i predstavljanje turističkog paket aranžmana iz stava (1) ovog člana dopuštena je samo svojim sredstvima u vidu obavijesti saopštenjima koje dobivaju članovi udruženja.
- (4) Pravna lica iz stava (1) ovog člana su obavezna za organizaciju turističkog paket aranžmana iz stava (1) ovog člana koristiti samo prijevozna sredstva u kojima su putnici i prtljaga osigurani.

Član 20.

(Period obavljanja turističke djelatnosti)

- (1) Turistički subjekt posluje tokom cijele godine ili sezonski.
- (2) Turistički subjekt utvrđuje period poslovanja iz stava 1. ovog člana za svaki objekt posebno, prilikom podnošenja zahtjeva za

pružanje usluga kod nadležnog organa jedinice lokalne samouprave u kojoj se nalazi objekt.

Član 21 .

(Zabrana oglašavanja i reklamiranja)

Zabranjuje se pružaocu usluga u turizmu da neposredno ili posredno, putem javnih glasila, internetom, promotivnim materijalom i sl. oglašava i/ili reklamira pružanje turističkih usluga, ako ne ispunjava uslove propisane federalnim Zakonom o turističkoj djelatnosti, propisima donesenim na osnovu federalnog zakona, ovim Zakonom i propisima donesenim na osnovu ovog Zakona.

POGLAVLJE IV. PUTNIČKA AGENCIJA

Član 22.

(Putnička agencija)

- (1) Putničkom agencijom, u smislu ovog Zakona, smatra se registrirano pravno lice upisano u Upisnik putničkih agencija, koje se bavi organiziranjem turističkih i poslovnih putovanja i boravaka, posredovanjem i pružanjem svih ostalih usluga u vezi s tim, te prodajom svog vlastitog turističkog proizvoda kojeg stvara objedinjavanjem raznih vrsta turističkih usluga.
- (2) Korištenje naznake "putnička agencija", vrste putničkih agencija, usluge putničke agencije, minimalno tehnički uslovi koje moraju ispunjavati putničke agencije i način pružanja usluga, uslovi za pružanje usluga putničke agencije, sadržaj zahtjeva putničke agencije za izdavanje rješenja o odobrenju za rad, sadržaj rješenja, obaveze putničke agencije i prijevoz putnika, jamčevina za aranžman, potvrda o osiguranju jamčevine, ugovor o osiguranju, grupna putovanja, program, prospekt ili katalog putovanja, poslovni prostor i poslovnica, voditelj poslovnice, uslovi za voditelja poslovnice kao i prestanak pružanja usluga putničke agencije propisani su federalnim zakonom.

Član 23.

(Licenca)

- (1) Organizator putovanja iz člana 22. ovog Zakona, nakon pribavljanja rješenja o odobrenju za rad, za organiziranje turističkog putovanja dužan je od Ministarstva pribaviti licencu za organiziranje turističkog putovanja (u daljem tekstu: licenca).
- (2) U postupku izdavanja licence, Ministarstvo utvrđuje da li je organizator turističkog putovanja registriran za obavljanje predmetne djelatnosti, odnosno da li su ispunjeni uslovi propisani zakonom i drugim propisima koji se odnose na ispunjenost minimalno - tehničkih uslova u pogledu poslovnih prostorija, uslove u pogledu zaposlenih, obezbjeđenje jamstva, sadržaja općih uslova putovanja i njihovu usklađenost sa zakonom, uslova u pogledu izricanja zaštitnih mjera protiv odgovornog lica organizatora turističkog putovanja, kao i drugih uslova za rad organizatora turističkog putovanja koji se tiču solventnosti i kvaliteta rada organizatora putovanja, u skladu sa zakonom i propisima donesenim na osnovu zakona.
- (3) Uz zahtjev za izdavanje licence, ovlašteno lice organizatora turističkog putovanja podnosi sljedeću dokumentaciju:
 - a) ovjerenu kopiju rješenja o upisu u sudski registar,
 - b) ovjerenu kopiju rješenja nadležnog organa kojim se odobrava obavljanje djelatnosti organizatora turističkog putovanja,
 - c) potvrdu nadležnog suda da nad organizatorom putovanja nije otvoren postupak stečaja ili likvidacije,
 - d) potvrdu nadležnog suda da organizatoru putovanja i njegovom odgovornom licu nije izrečena zaštitna mjera zabrane obavljanja djelatnosti,
 - e) ovjerenu kopiju Rješenja nadležnog poreznog ureda Porezne uprave Federacije BiH o određivanju jedinstvenog identifikacijskog broja ili uvjerenja Uprave za indirektno oporezivanje o određivanju PDV broja,

- f) ovjerenu kopiju odluku o osnivanju poslovne jedinice,
- g) dokaz o ispunjavanju uvjeta u pogledu zaposlenih radnika,
- h) uvjerenje o izmirenim poreskim obavezama,
- i) opće uslove putovanja, sačinjene u skladu sa Zakonom o turističkoj djelatnosti FBiH i ovjerene od organizatora turističkog putovanja,
- j) spisak ovjerenih paket aranžmana ili izleta realiziranih u prethodnoj godini, izuzev novoosnovanog organizatora putovanja,
- k) dokaz o posjedovanju jamstva definiranog federalnim zakonom.

Član 24. (Izdavanje Licence)

- (1) Ministarstvo izdaje licencu najkasnije u roku od 15 dana od dana podnošenja urednog i potpunog zahtjeva organizatora turističkog putovanja.
- (2) Licenca iz stava (1) ovog člana podliježe reviziji nakon isteka tri godine od dana dostavljanja.
- (3) Ministarstvo, po službenoj dužnosti, vodi računa o isteku roka iz stava (2) ovog člana.
- (4) Licenca je konačna i protiv nje nije dozvoljena žalba, ali se može pokrenuti upravni spor pred nadležnim sudom.
- (5) Podnosilac zahtjeva za izdavanje licence snosi troškove postupka i troškovi se plaćaju prilikom podnošenja zahtjeva. Troškovi izdavanja licence uplaćuju se u korist Budžeta Unsko - sanskog kantona.
- (6) Na sva pitanja koja se odnose na izdavanje licence koja ovim zakonom nisu posebno uređena, primjenjuju se odgovarajuće odredbe zakona koji uređuje upravni postupak.
- (7) Ministarstvo vodi evidenciju o izdatim licencama i organizatorima turističkih putovanja u Registru turizma.

Član 25. (Prestanak važenja Licence)

- (1) Licenca prestaje da važi:
 - a) brisanjem iz Registra organizatora turističkog putovanja na osnovu zahtjeva nosioca licence,
 - b) podjelom organizatora turističkog putovanja na dva ili više društava ili iz drugog razloga utvrđenog Zakonom o privrednim društvima,
 - c) ako organizator turističkog putovanja prestane ispunjavati uslove iz člana 23. ovog Zakona.
- (2) Rješenje o prestanku važenja licence donosi ministar.
- (3) Rješenje iz stava 2. ovog člana je konačno i protiv njega nije dozvoljena žalba, ali se može pokrenuti upravni spor pred nadležnim sudom.

Član 26. (Oduzimanje Licence)

- (1) Ministar donosi rješenje o oduzimanju licence organizatoru turističkog putovanja ako u postupku revizije ili inspeksijskog pregleda utvrdi:
 - a) da je organizator putovanja prestao ispunjavati uslove propisane federalnim zakonom i članovima 22. i 23. ovog Zakona,
 - b) da su uslijed neizvršenja ili djelimičnog izvršenja općih uslova putovanja ili programa putovanja, greškom organizatora putovanja, nastupile teže posljedice po korisnika turističke usluge (ugrožavanje zdravlja, nije obezbjeđen smještaj ili povratak u zemlju, putovanje je neopravdano trajalo duže od onog predviđenog programom putovanja i sl.),
 - c) da organizator nudi ili prodaje programe putovanja bez ugovora o organiziranju putovanja ili ekskurzije,
 - d) da je organizator putovanja otkazao korisniku turističke usluge, a nije u zakonskom roku izvršio povrat uplaćenih sredstava,

- e) da je organizatoru u periodu važenja licence dva puta u roku od godinu dana izrečena novčana kazna za prekršaj ili neizvršavanje ugovorenih obaveza,
 - f) ako nadležni organ naknadno utvrdi da je licenca izdata na osnovu neistinitih podataka ili krivotvorenih dokumenata.
- (2) U slučaju oduzimanja licence, organizator putovanja može da realizira samo prethodno ugovorena putovanja.
 - (3) Organizator kojem je oduzeta licenca može da obavlja djelatnost subagenta, ako ispunjava zakonom propisane uslove za tu djelatnost.
 - (4) Organizator kojem je oduzeta licenca ne može podnijeti zahtjev za dobijanje licence prije isteka roka od godinu dana od dana dostavljanja rješenja o oduzimanju licence.
 - (5) Rješenje iz stava (1) ovog člana je konačno i protiv njega nije dozvoljena žalba, ali se može pokrenuti upravni spor pred nadležnim sudom.

POGLAVLJE V. TURISTIČKI VODIČ, TURISTIČKI PRATILAC, TURISTIČKI ANIMATOR I TURISTIČKI ZASTUPNIK

Član 27. (Turistički vodič)

- (1) Turistički vodič je fizičko lice koje turistima pokazuje i stručno objašnjava prirodne ljepote i rijetkosti, kulturno - historijske spomenike, umjetnička djela, etnografske i druge znamenitosti, historijske događaje, ličnosti, legende vezane za te događaje i ličnosti, privredne i političke tokove i zbivanja, te ljepote pojedinih mjesta i područja.
- (2) Ne smatra se turističkim vodičem stručni radnik koji obavlja poslove vodiča na svom radnom mjestu kod pravnog ili fizičkog lica unutar poslovnog prostora u kojem radi (muzej, galerija, nacionalni park i slično), stručni radnik putničke agencije koji prati grupu turista iz mjesta u mjesto, vodič u planinama i jamama, u lovu i ribolovu, kao i voditelj i pratilac ekskurzije i izleta.

- (3) Turistički vodič vođenje grupe ili pojedinca predaje stručnom licu zaposlenom unutar institucija kulture (muzeji, galerije i sl.), unutar zaštićenih dijelova prirode ili u prostoru pravnog lica koje upravlja određenom atrakcijom.

Član 28. (Odobrenje i uslovi za turističkog vodiča)

- (1) Za pružanje usluga turističkog vodiča, turistički vodič mora imati odobrenje koje na njegov zahtjev izdaje nadležni općinski odnosno gradski organ, na čijem području turistički vodič ima prebivalište.
- (2) Fizičko lice može pružati usluge turističkog vodiča kao osnovno zanimanje ako ispunjava sljedeće opće uslove:
 - a) da je državljanin Bosne i Hercegovine,
 - b) da je poslovno sposobno,
 - c) da udovoljava općim i posebnim zdravstvenim uslovima, ako je to propisano posebnim zakonom,
 - d) da ima najmanje srednju stručnu spremu,
 - e) da ima položen stručni ispit za turističkog vodiča,
 - f) da zna najmanje jedan svjetski jezik na kojem će pružati usluge turističkog vodiča,
 - g) da mu pravosnažnom presudom ili rješenjem o prekršaju nije izrečena zaštitna mjera zabrane obavljanja poslova turističkog vodiča, dok ta mjera traje.
- (3) Fizičko lice može pružati usluge turističkog vodiča kao dopunsko zanimanje ako ispunjava uslove iz stava (2) ovog člana i ako ima već zasnovan radni odnos po bilo kom osnovu ili je korisnik penzije, ukoliko posebnim zakonom nije drugačije propisano.
- (4) Strani državljanin može pružati usluge turističkog vodiča, uz prioritarnu primjenu načela uzajamnosti, pod uslovom da ima radnu dozvolu i da ispunjava uslove iz stava (2) od tačke b) do tačke g) ovog člana.
- (5) Rješenje kojim se stranom državljaninu odobrava pružanje usluga turističkog vodiča postaje pravno valjano izdavanjem radne dozvole u skladu sa Zakonom o zapošljavanju stranaca, i vrijedi za vremenski period za koji je ta dozvola izdata.

- (6) Sadržaj rješenja o odobrenju za pružanje usluga turističkog vodiča propisan je federalnim zakonom.
- (7) Pravosnažno rješenje o odobrenju za pružanje usluga turističkog vodiča upisuje se u Upisnik turističkih vodiča koji vodi nadležni općinski odnosno gradski organ i dostavlja ga Ministarstvu.
- (8) Oblik, sadržaj i način vođenja Upisnika iz stava (5) ovog člana propisan je federalnim propisom.
- (9) Prestanak odobrenja za pružanje usluga turističkog vodiča, postupak, način polaganja i program stručnog ispita, te način obavljanja poslova turističkog vodiča propisani su federalnim propisom.

Član 29.

(Iskaznica turističkog vodiča)

- (1) Turistički vodič pri obavljanju poslova turističkog vodiča, mora imati iskaznicu turističkog vodiča, kojom se utvrđuje njegovo svojstvo.
- (2) Iskaznicu turističkog vodiča, turistički vodič pri obavljanju poslova mora nositi na vidljivom mjestu.
- (3) Obrazac i izgled iskaznice turističkog vodiča, kao i način njenog izdavanja i upotrebe propisan je federalnim propisom.
- (4) Iskaznicu turističkog vodiča izdaje Ministarstvo, na zahtjev podnosioca na propisanom obrascu.
- (5) Troškove izrade iskaznice snosi turistički vodič.
- (6) Evidenciju o izdatim iskaznicama vodi Ministarstvo i ista se evidentira u Registar turizma.

Član 30.

(Turistički pratilac)

- (1) Turistički pratilac je fizičko lice koje obavlja operativno - tehničke poslove u vođenju i praćenju turista, te daje turistima obavijesti o svrsi putovanja.
- (2) Turistički pratilac je lice koje ispunjava uslove iz člana 28. ovog Zakona, osim uslova iz stava 2. tačka e) tog člana.
- (3) Putnička agencija ne može obavljanje poslova turističkog pratioca povjeriti licu

koje ne ispunjava uslove propisane ovim Zakonom.

- (4) Turistički pratilac pri obavljanju poslova turističkog pratioca, mora imati iskaznicu turističkog pratioca, kojom se utvrđuje njegovo svojstvo.
- (5) Iskaznicu turističkog pratioca, turistički pratilac pri obavljanju poslova mora nositi na vidljivom mjestu.
- (6) Ministar propisuje oblik i sadržaj iskaznice turističkog pratioca, način njenog izdavanja i upotrebe.
- (7) Evidenciju o izdatim iskaznicama vodi Ministarstvo i ista se evidentira u Registar turizma.
- (8) Stav (6) i stav (7) ovog člana se ne odnose na zaštićena područja na području USK čiji osnivač je Vlada Federacije BiH, odnosno u zaštićenim područjima u USK u kojima je identifikacija službenih lica regulirana drugim propisima.

Član 31.

(Turistički animator)

- (1) Turistički animator je fizičko lice koje planira i ostvaruje programe provođenja slobodnog vremena turista, a koji se odnose na sportsko - rekreativne, zabavne i kulturno društvene sadržaje.
- (2) Za turističkog animatora vrijede odredbe ovog Zakona koje se odnose na turističkog pratioca.

Član 32.

(Turistički zastupnik)

- (1) Turistički zastupnik je pravno ili fizičko lice koje zastupa domaćeg ili stranog organizatora putovanja ili posrednika, u odredištima putovanja.
- (2) Organizator putovanja, odnosno posrednik, dužan je pismeno obavijestiti davaoca usluga o turističkom zastupniku, njegovim ovlaštenjima i svim eventualnim promjenama.
- (3) Ovlaštenja turističkog zastupnika su sljedeća:

- a) štiti interese i prava putnika i organizatora putovanja kod davaoca usluga,
- b) pruža obavještenja i upute putnicima kod izvršavanja programa putovanja i dodatnih usluga,
- c) naručuje dodatne usluge u ime organizatora putovanja, prema dobivenim ovlaštenjima,
- d) posreduje u pribavljanju dodatnih usluga za putnike (izleti, kulturne i sportske priredbe i sl.),
- e) obavlja i druge poslove potrebne za zaštitu interesa putnika i organizatora putovanja.

POGLAVLJE VI. USLUGE U TURIZMU

Član 33.

(Usluge u turizmu)

- (1) Turističke usluge u smislu ovog Zakona su:
 - a) turističke usluge u seoskom turizmu,
 - b) turističke usluge u lovno - ribolovnom turizmu,
 - c) turističke usluge na vodama,
 - d) turističke usluge na skijaškim terenima i ostale usluge u planinskom turizmu,
 - e) druge turističke usluge koje uključuju avanturističke i sportsko - rekreativne aktivnosti,
 - f) turističke usluge u kongresnom turizmu,
 - g) turističke usluge u kulturnom turizmu,
 - h) turističke usluge u vjerskom turizmu,
 - i) turističke usluge u omladinskom turizmu,
 - j) turističke usluge u zdravstvenom turizmu,
 - k) turističke usluge u banjском turizmu,
 - l) ostale turističke usluge.
- (2) Za obavljanje turističkih usluga iz stava (1) ovog člana, pravna i fizička lica dužna su pribaviti rješenje za rad od nadležnog organa.
- (3) Turističke usluge u zdravstvenom i banjском turizmu pružaju se u skladu sa posebnim propisima.
- (4) Turističke usluge iz stava (1) ovog člana mogu pružati registrirana pravna i fizička lica, ukoliko nije drugačije regulirano ovim Zakonom i posebnim propisima.

- (5) Uslovi za pružanje usluga iz stava (1) ovog člana su regulirani pravilnikom kojeg donosi Federalno ministarstvo okoliša i turizma.

Član 34.

(Odobrenje za pružanje turističkih usluga kao osnovno ili dopunsko zanimanje)

- (1) Nadležni općinski odnosno gradski organ može izdati Odobrenje za pružanje turističkih usluga kao osnovno ili dopunsko zanimanje, ukoliko to ovim Zakonom ili drugim propisom nije drugačije regulirano.
- (2) Fizičko lice može pružati turističke usluge iz stava (1) člana 33. kao osnovno zanimanje ako ispunjava sljedeće opće uslove:
 - a) da je državljanin Bosne i Hercegovine,
 - b) da je poslovno sposobno,
 - c) da udovoljava općim i posebnim zdravstvenim uslovima, ako je to propisano posebnim zakonom,
 - d) da mu pravomoćnom sudskom presudom, rješenjem o prekršaju ili upravnim aktom nije izrečena zaštitna mjera zabrane obavljanja obrta dok ta mjera traje.
- (3) Fizičko lice može pružati turističke usluge kao dopunsko zanimanje ako ispunjava uslove iz stava (2) ovog člana i ako ima već zasnovan radni odnos po bilo kom osnovu ili je korisnik penzije, ukoliko posebnim zakonom nije drugačije propisano.

Član 35.

(Turističke usluge u seoskom turizmu)

- (1) Seoski turizam, u smislu ovog Zakona je boravak i smještaj turista u domaćinstvu, koje je organizirano kao turističko - seosko domaćinstvo radi odmora i rekreacije, s mogućnošću učestvovanja u aktivnostima seoskog domaćinstva.
- (2) Turističke usluge u seoskom turizmu naročito su: iznajmljivanje konja za jahanje, zaprega, škola jahanja, lov i ribolov, organiziranje branja plodova i gljiva, berba voća i povrća, ubiranje ljetine, fotosafari i slične aktivnosti u seoskom domaćinstvu.
- (3) Turističke usluge iz stava (2) ovog člana može pružati vlasnik ili nosilac prava korištenja objekta sa članovima svoje

porodice ukoliko ispuni uslove propisane ovim zakonom i drugim propisima.

- (4) Ukoliko se u seoskom domaćinstvu pružaju usluge smještaja i ishrane, objekti moraju ispunjavati minimalno - tehničke uslove u skladu sa propisima koji reguliraju ugostiteljsku djelatnost.

Član 36.

(Rješenje o odobrenju za pružanje turističkih usluga u seoskom domaćinstvu)

- (1) Za pružanje turističkih usluga iz člana 35. ovog Zakona, član seoskog domaćinstva dužan je pribaviti rješenje o odobrenju za pružanje turističkih usluga u seoskom domaćinstvu od nadležnog općinskog odnosno gradskog organa prema mjestu pružanja usluga.
- (2) Rješenje iz stava (1) ovog člana izdat će se na zahtjev člana seoskog domaćinstva koji ispunjava sljedeće uslove:
- a) da je državljanin Bosne i Hercegovine,
 - b) da je poslovno sposoban,
 - c) da je vlasnik ili nosilac prava korištenja objekta,
 - d) da ispunjava propisane zdravstvene uslove,
 - e) da mu nije pravosnažnom sudskom presudom ili rješenjem o prekršaju izrečena mjera sigurnosti ili zaštitna mjera zabrane pružanja usluga u domaćinstvu.
- (3) Nadležni organ dužan je riješiti o zahtjevu iz stava (2) ovog člana u roku od 15 dana od dana podnošenja potpunog zahtjeva sa potrebnom dokumentacijom.
- (4) Rješenje kojim se odobrava pružanje usluga seoskog domaćinstva sadrži:
- a) ime i prezime, datum i mjesto rođenja, te adresu podnosioca zahtjeva,
 - b) vrste i kapacitet turističkih usluga koje će se pružati,
 - c) naznaku pruža li se usluga tokom cijele godine ili sezonski,
 - d) naznaku da li se djelatnost obavlja kao osnovno ili dopunsko zanimanje.
- (5) Rješenje iz stava (1) ovog člana nadležni organ dostavlja Kantonalnoj upravi za

inspeksijske poslove, nadležnom poreznom uredu i Ministarstvu.

- (6) Izuzetno od stava (1) ovog člana, član seoskog domaćinstva koji ima odobrenje za pružanje ugostiteljskih usluga u seoskom domaćinstvu, u skladu sa Zakonom o ugostiteljskoj djelatnosti može uz prethodnu obavijest nadležnom organu, pružati usluge iz člana 48. ovog Zakona, uz ispunjavanje uslova propisanih ovim zakonom.
- (7) Protiv rješenja iz stava (1) ovog člana može se izjaviti žalba Ministarstvu u roku od 15 dana od dana dostavljanja rješenja.

Član 37.

(Prestanak važenja rješenja)

- (1) Rješenje o odobrenju za pružanje turističkih usluga u seoskom domaćinstvu iz člana 36. ovog Zakona prestaje važiti:
- a) odjavom, danom navedenim u odjavi ili danom podnošenja odjave nadležnom organu, s tim što se prestanak pružanja usluga ne može odjaviti unatrag,
 - b) ako je inspeksijskim nadzorom utvrđeno da za pružanje turističkih usluga nisu ispunjeni uslovi propisani ovim zakonom, propisima donesenim na osnovu ovog Zakona, a utvrđeni nedostaci nisu otklonjeni u ostavljenom roku, sa danom isteka tog roka,
 - c) ako nadležni organ naknadno utvrdi da je izdano rješenje zasnovano na neistinitim podacima ili krivotvorenim dokumentima,
 - d) ako se turističke usluge ne počnu pružati u roku od jedne godine od dana konačnosti rješenja.
- (2) Nadležni organ donosi rješenje o prestanku važenja rješenja iz stava (1) ovog člana i dostavlja ga nadležnoj inspekciji, nadležnom poreznom uredu i Ministarstvu.
- (3) Protiv rješenja iz stava (1) ovog člana može se izjaviti žalba Ministarstvu u roku od 15 dana od dana dostavljanja rješenja.

Član 38.**(Turističke usluge u lovno - ribolovnom turizmu)**

- (1) Pod turističkim uslugama u lovno ribolovnom turizmu podrazumijevaju se usluge prihvata i smještaja lovaca i ribolovaca u odgovarajuće objekte, organiziranje lova i ribolova i pružanje drugih usluga za potrebe lovno - ribolovnog turizma, kao što su usluge prijevoza do lovišta i po lovištu, obuku i iznajmljivanje lovačkih pasa, iznajmljivanje lovačkog oružja i sl.
- (2) Turističke usluge u lovno-ribolovnom turizmu mogu pružati lica registrirana za obavljanje te djelatnosti, u skladu sa propisima iz oblasti lova i ribolova.
- (3) Lica iz stava (2) dužna su turistima pružati usluge u skladu sa odredbama ovog Zakona i propisima iz oblasti lova i ribolova.
- (4) Usluge smještaja u objektima lovno ribolovnog turizma pružaju se u skladu sa zakonom koji regulira oblast ugostiteljstva.

Član 39.**(Turističke usluge u kongresnom turizmu)**

- (1) Turističke usluge u kongresnom turizmu obuhvataju usluge organiziranja, promocije i/ili održavanje kongresa, konferencija i sličnih događaja, sa ili bez usluge osoblja za provedbu i opremanje prostora u kojem se takvi događaji održavaju.
- (2) Usluge iz stava (1) ovog člana mogu pružati pravna lica iz člana 17. ovog Zakona.
- (3) Na pružanje usluga kongresnog turizma iz stava (1) ovog člana koji se organizira za svoje članove, korisnike i zaposlenike, u okviru svoje djelatnosti ili u skladu sa svojim općim aktima, ne primjenjuju se odredbe ovog Zakona.

Član 40.**(Rješenje o odobrenju za pružanje usluga u kongresnom turizmu)**

- (1) Za pružanje usluga u kongresnom turizmu iz člana 39. ovog Zakona pravna lica dužna su

pribaviti Rješenje o ispunjavanju minimalno tehničkih uslova od nadležnog organa prema mjestu svog sjedišta.

- (2) Rješenje iz stava (1) ovog člana dostavlja se Kantonalnoj upravi za inspeksijske poslove, nadležnom poreznom uredu i Ministarstvu.
- (3) Troškove postupka izdavanja rješenja snosi podnosilac zahtjeva.
- (4) Protiv rješenja iz stava (1) ovog člana može se izjaviti žalba Ministarstvu u roku od 15 dana od dana dostavljanja rješenja.
- (5) Na prestanak važenja rješenja iz stava (1) ovog člana na odgovarajući način primjenjuju se odredbe člana 37. ovog Zakona.

Član 41.**(Turističke usluge u zdravstvenom turizmu)**

- (1) Pod turističkim uslugama u zdravstvenom turizmu smatraju se usluge medicinskog turizma, lječilišnog turizma i wellnessa.
- (2) Usluge medicinskog turizma obuhvataju usluge zdravstvene zaštite povezane sa putovanjem izvan mjesta boravka.
- (3) Usluge lječilišnog turizma obuhvataju usluge u kojima se stručno i kontrolirano koriste prirodni ljekoviti postupci (spa, terme i sl.) u cilju poboljšanja i očuvanja zdravstvenih i psihofizičkih sposobnosti.
- (4) Wellness usluge (holistički i medicinski wellness) obuhvataju organizirano provođenje zdravstveno - preventivnih i kurativnih programa u svrhu prevencije bolesti, te unapređenja zdravlja.
- (5) Usluge zdravstvenog turizma mogu pružati specijalne bolnice, lječilišta i druge zdravstvene ustanove, pravna lica registrirana za obavljanje zdravstvene djelatnosti i zdravstveni radnici koji samostalno obavljaju privatnu praksu u skladu sa posebnim propisima kojima je regulirana zdravstvena zaštita, za korisnike svojih zdravstvenih usluga.
- (6) Izuzetno od stava (5) ovog člana, wellness usluge mogu pružati i fizička lica u skladu sa Zakonom o obrtu.

Član 42.**(Turističke usluge u planinskom turizmu i skijaškim terenima)**

- (1) Pod turističkim uslugama u planinskom turizmu podrazumijevaju se usluge prihvata i smještaja planinara i turista u planinarske objekte, organiziranje planinarsko-pješačkih tura i pružanje planinarskih vodičkih usluga za potrebe planinskog turizma.
- (2) Turističke usluge u planinskom turizmu mogu pružati registrirane planinarske organizacije, u skladu sa propisima iz oblasti planinarstva.
- (3) Planinarski vodič je osoba koja je osposobljena i licencirana od strane Komisije za vodiče Planinarskog saveza Federacije Bosne i Hercegovine.
- (4) Naturističke usluge u planinskom turizmu iz stava (1) ovog člana koji se organizira za svoje članove, korisnike u okviru svoje djelatnosti ili u skladu sa svojim općim aktima, ne primjenjuju se odredbe ovog Zakona.
- (5) Uslugama na skijaškom terenu u smislu ovog Zakona smatra se davanje na korištenje prostora, uređaja i opreme za rekreativno i sportsko skijanje, skijašku obuku i druge rekreativne i sportske aktivnosti na snijegu, te iznajmljivanje skijaške opreme, usluge korištenja ski i bebi - liftova, žičara i sl.
- (6) Obaveze pravnog ili fizičkog lica koje upravlja skijaškim terenom propisane su federalnim zakonom, a uslovi pružanja usluga na skijaškom terenu propisani su Zakonom o javnim skijalištima.

Član 43.**(Turističke usluge u avanturističkom turizmu)**

- (1) Turističke usluge u avanturističkom turizmu su usluge koje uključuju sportsko - rekreativne ili avanturističke aktivnosti (skijanje, jahanje, gorsko - planinsko vođenje, brdski biciklizam, padobransko jedrenje / paragliding / zmajarenje, skakanje s užetom/bungee - jumping, špiljarenje i sl.).
- (2) Usluge iz stava (1) ovog člana pružaju se pod uslovima propisanim federalnim zakonima,

ovim Zakonom, propisima donesenim na osnovu ovog Zakona i drugim propisima koji uređuju pružanje istih.

- (3) Usluge iz stava (1) ovog člana mogu pružati lica (treneri, instruktori, učitelji, voditelji, vodič i sl.) koja imaju odgovarajuće licence/dozvole nadležnih institucija ili udruženja, kojima se utvrđuje sposobnost i nivo vještine obavljanja aktivnosti.
- (4) Za aktivnosti koje se provode na nepristupačnim mjestima, kao i specifičnim destinacijama što se tiče prirodnih i klimatskih uvjeta (rijeke, planine i sl.) organizatori ili lica koja ih izvode dužni su izvršiti procjenu rizika te donijeti planove i procedure otklanjanja opasnosti (elaborate spašavanja).
- (5) Lica iz stava (3) ovog člana moraju biti osposobljena za postupke i djelovanja u slučaju nesreće ili opasnosti prema posebnom programu koji provodi Kantonalni štab civilne zaštite.

Član 44.**(Način pružanja usluga u avanturističkom turizmu)**

- (1) Pružalac turističkih usluga iz člana 43. ovog Zakona obavezan je:
 - a) imati odgovarajuću opremu za pružanje usluge, uz deklaraciju ovlaštenih proizvođača ili atestiranu, prema važećim standardima u ispravnom stanju,
 - b) pribaviti koncesiju u skladu s propisima kojima se uređuju koncesije, ukoliko je ista potrebna za pružanje usluge,
 - c) upotrebljavati opremu prema uputama proizvođača,
 - d) obezbijediti sredstva komunikacije,
 - e) obezbijediti pribor za prvu pomoć ovisno o aktivnosti,
 - f) obezbijediti ličnu opremu za korisnike usluga i upoznati ih o pravilnoj primjeni iste,
 - g) u skladu sa procjenom opasnosti, osigurati prisustvo hitne medicinske pomoći i drugih službi za spašavanje,
 - h) prije započinjanja pružanja usluga, istaknutom informacijom u pisanom

obliku, te usmeno, upoznati korisnika usluge s vrstama rizika provođenja usluge, te načinom korištenja opreme,

- i) osigurati korisnike usluga od posljedica nesretnog slučaja, te upoznati korisnika usluge sa sadržajem ugovora o osiguranju (policom osiguranja),
 - j) licima mlađim od 18 godina usluge iz člana 50. stav (1) ovog Zakona mogu se pružati samo uz pismenu suglasnost roditelja odnosno staratelja.
- (2) Pružalac usluga iz člana 43. stav (1) ovog Zakona može odbiti pružanje usluga licu mlađem od 18 godina, bez obzira na suglasnost roditelja odnosno staratelja.

Član 45.

(Rješenje o odobrenju za pružanje usluga u avanturističkom turizmu)

- (1) Za pružanje usluga u avanturističkom turizmu pravno ili fizičko lice dužno je pribaviti rješenje o ispunjavanju minimalno - tehničkih uslova, odnosno rješenje o odobrenju za pružanje tih turističkih usluga izdato od strane nadležnog općinskog odnosno gradskog organa prema mjestu svog sjedišta.
- (2) Rješenje o odobrenju za pružanje usluga u avanturističkom turizmu sadrži:
 - a) ime i prezime, datum i mjesto rođenja, te adresu podnosioca zahtjeva,
 - b) vrste turističkih usluga koje će se pružati,
 - c) naznaku pruža li se usluga tokom cijele godine ili sezonski,
 - d) naznaku da li se djelatnost obavlja kao osnovna ili dopunska.
- (3) Rješenje iz stava (1) ovog člana nadležni organ dostavlja Kantonalnoj upravi za inspeksijske poslove, nadležnom poreznom uredu i Ministarstvu.
- (4) Troškove postupka izdavanja rješenja snosi podnosilac zahtjeva.
- (5) Protiv rješenja iz stava (1) ovog člana može se izjaviti žalba Ministarstvu u roku od 15 dana od dana dostavljanja rješenja.
- (6) Na prestanak važenja rješenja iz stava (1) ovog člana na odgovarajući način

primjenjuju se odredbe člana 37. ovog Zakona.

Član 46.

(Turističke usluge na divljim vodama)

- (1) Turističke usluge na divljim vodama su: rafting, kajak, kanu, kanjoning, speleoronjenje, hidrospid (hydrospeed) kao i ostale slične aktivnosti.
- (2) Registrirana pravna lica i fizička lica mogu pružati usluge iz stava (1) ovog člana pod uslovima propisanim ovim zakonom i drugim propisima i u skladu sa zakonom koji regulira oblast unutrašnje plovidbe.
- (3) Davalac usluga iz stava (2) ovog člana može obavljati djelatnost pod uslovom da od nadležnog organa pribavi rješenje u skladu sa članom 45. ovog Zakona.
- (4) Usluge iz stava (1) ovog člana mogu pružati lica (treneri, instruktori, učitelji, voditelji, vođiči i sl.) koja imaju odgovarajuće licence/dozvole nadležnih institucija ili udruženja, kojima se utvrđuje sposobnost i nivo vještine obavljanja aktivnosti.
- (5) Za aktivnosti koje se provode na nepristupačnim mjestima, kao i specifičnim destinacijama što se tiče prirodnih i klimatskih uvjeta (rijeke, planine i sl.) organizatori ili lica koja ih izvode dužni su izvršiti procjenu rizika te donijeti planove i procedure otklanjanja opasnosti (elaborate spašavanja).
- (6) Lica iz stava (4) ovog člana moraju biti osposobljena za postupke i djelovanja u slučaju nesreće ili opasnosti prema posebnom programu koji provodi Kantonalni štab civilne zaštite.

Član 47.

(Turističke usluge u raftingu)

- (1) Turističke usluge u raftingu su:
 - a) iznajmljivanje prostora uz uređene i djelomično ili potpuno zaštićene obale,
 - b) iznajmljivanje plovnih objekata za odmor i rekreaciju,
 - c) prihvata, čuvanje i održavanje plovila,

- d) usluge snabdijevanja raftera (vodom, namirnicama, rezervnim dijelovima, opremom i sl.)
 - e) obuka za skipere i voditelje čamaca,
 - f) uređenje i priprema plovila i čamaca,
 - g) obezbjeđenje službe spašavanja i pružanja hitne medicinske pomoći,
 - h) usluga skipera,
 - i) druge usluge za potrebe turističkih usluga raftinga.
- (2) Usluge iz stava (1) ovog člana pružaju se pod uslovima propisanim federalnim zakonima, ovim zakonom, propisima donesenim na osnovu ovog Zakona i drugim propisima koji uređuju pružanje istih.

Član 48.

(Način pružanja turističkih usluga na divljim vodama)

- (1) Pružalac turističkih usluga iz člana 46. ovog Zakona obavezan je:
- a) imati odgovarajuću opremu za pružanje usluge, uz deklaraciju ovlaštenih proizvođača ili atestiranu, prema važećim standardima u ispravnom stanju,
 - b) upotrebljavati opremu prema uputama proizvođača,
 - c) osigurati sredstva komunikacije,
 - d) osigurati pribor za prvu pomoć ovisno o aktivnosti,
 - e) osigurati ličnu opremu za korisnike usluga,
 - f) u skladu sa procjenom opasnosti, osigurati prisustvo hitne medicinske pomoći i drugih službi za spašavanje,
 - g) prije započinjanja pružanja usluga, istaknutom informacijom u pisanom obliku, te usmeno, upoznati korisnika usluge s vrstama rizika provođenja usluge, te načinom korištenja opreme,
 - h) osigurati korisnike usluga od posljedica nesretnog slučaja, te upoznati korisnika usluge sa sadržajem ugovora o osiguranju (policom osiguranja).
- (2) Licima mlađim od 18 godina usluge iz člana 46. stav (1) ovog Zakona mogu se pružati samo uz pismenu suglasnost roditelja odnosno staratelja.

- (3) Pružalac usluga iz člana 46. stav (1) ovog Zakona može odbiti pružanje usluga licu mlađem od 18 godina, bez obzira na suglasnost roditelja odnosno staratelja.

Član 49.

(Rješenje o odobrenju za pružanje turističkih usluga na divljim vodama)

- (1) Za pružanje usluga na divljim vodama pravno ili fizičko lice dužno je pribaviti rješenje o ispunjavanju minimalno - tehničkih uslova, odnosno rješenje o odobrenju za pružanje tih turističkih usluga izdato od strane nadležnog općinskog odnosno gradskog organa prema mjestu svog sjedišta.
- (2) Rješenje o odobrenju za pružanje usluga na divljim vodama sadrži:
- a) ime i prezime, datum i mjesto rođenja, te adresu podnosioca zahtjeva,
 - a) vrste turističkih usluga koje će se pružati,
 - b) naznaku pruža li se usluga tokom cijele godine ili sezonski,
 - c) naznaku da li se djelatnost obavlja kao osnovna ili dopunska.
- (3) Rješenje iz stava (1) ovog člana dostavlja se Kantonalnoj upravi za inspeksijske poslove, nadležnom poreznom uredu i Ministarstvu.
- (4) Troškove postupka izdavanja rješenja snosi podnosilac zahtjeva.
- (5) Protiv rješenja iz stava (1) ovog člana može se izjaviti žalba Ministarstvu u roku od 15 dana od dana dostavljanja rješenja.
- (6) Na prestanak važenja rješenja iz stava (1) ovog člana na odgovarajući način primjenjuju se odredbe člana 37. ovog Zakona.

POGLAVLJE VII. PROMOCIJA TURIZMA, TURISTIČKO VIJEĆE I TURISTIČKE ZAJEDNICE

Član 50.

(Poslovi na promociji i unapređenju turizma)

- (1) Poslovi na promociji i unapređenju turizma su poslovi davanja informacija i propagandne djelatnosti u turizmu, formiranje i razvoj

informacionog sistema u turizmu Kantona i ostvarivanje regionalne i međunarodne saradnje u oblasti turizma.

- (2) Za obavljanje poslova iz stava (1) ovog člana gradovi i jedinice lokalne samouprave u skladu sa potrebama i planovima u oblasti turizma mogu osnivati turističke zajednice općine/grada ili poslove obavljaju službe nadležne za oblast turizma u općinama/gradovima.

Član 51. **(Turističko vijeće)**

- (1) Radi koordinacije aktivnosti između Ministarstva privrede i ovlaštenih predstavnika općinskih / gradskih turističkih zajednica odnosno općina / gradova, u cilju razvoja i promocije turizma u Kantonu, Ministarstvo formira Turističko vijeće (u daljem tekstu: Turističko vijeće).
- (2) Turističko vijeće čine direktori ili ovlašteni predstavnici općinskih / gradskih turističkih zajednica odnosno općina / gradova, te jedan predstavnik Ministarstva.
- (3) Turističko vijeće imenuje se na period od 4 godine, sa mogućnošću ponovnog imenovanja.
- (4) Predstavnik Ministarstva obnaša ulogu predsjednika Turističkog vijeća.
- (5) Turističko vijeće donosi Poslovnik o radu.
- (6) Turističko vijeće je zaduženo za obavljanje sljedećih poslova:
 - a) usuglašava stavove prema zajedničkim promotivnim aktivnostima svih turističkih zajednica u Kantonu i njihovom zajedničkom nastupu na turističkim tržištima, razmatra i druga pitanja u vezi sa razvojem turizma u skladu sa ovim zakonom i drugim propisima,
 - b) usuglašava stavove po pitanju razvoja cjelovite turističke ponude, podizanje kvaliteta turističkih i drugih komplementarnih usluga, očuvanje i stvaranje prepoznatljivog i privlačnog turističkog ambijenta Kantona,
 - c) usuglašava stavove po pitanju turističke infrastrukture čija izgradnja se financira iz budžeta Kantona,
 - d) dostavlja Ministarstvu mišljenje o visini boravišne takse, visini godišnjeg paušalnog iznosa boravišne takse,
 - e) predlaže Pravilnik kojim će propisati bliži uslovi i kriteriji za proglašavanje turističkog mjesta,
 - f) učestvuje u izradi Plana promocije.
- (7) U obavljanju poslova iz stava (4) ovog člana Turističko vijeće je obavezno da održi sjednicu minimalno jednom mjesečno.
- (8) U roku od 15 dana od dana završetka sjednice, Turističko vijeće je u obavezi da dostavi izvještaj Ministarstvu koji sadrži prijedlog mjera i zaključke o održanim aktivnostima iz stava (4) ovog člana.
- (9) Za obavljanje poslova iz stava (4) ovog člana, članovi Turističkog vijeća ne primaju naknadu.
- (10) U svrhu ostvarivanja zajedničkih ciljeva u turizmu mogu se osnivati turistički klasteri, asocijacije i druga strukovna udruženja.

Član 52. **(Ciljevi osnivanja Turističke zajednice općine/grada)**

- (1) Turistička zajednica općine/grada (u daljem tekstu: Turistička zajednica) se osniva radi razvoja, unapređenja i promocije turizma na području jedinica lokalne samouprave i privrednih interesa pravnih i fizičkih lica koja pružaju ugostiteljske i druge turističke usluge ili obavljaju drugu djelatnost neposredno povezanu s turizmom.
- (2) Ciljevi osnivanja Turističke zajednice su:
 - a) promocija turističkog proizvoda jedinice lokalne samouprave,
 - b) unapređenje općih uslova boravka turista kroz formiranje cjelovite turističke ponude, podizanje kvaliteta turističkih i drugih komplementarnih usluga, očuvanje i stvaranje prepoznatljivog i privlačnog turističkog ambijenta jedinice lokalne samouprave,
 - c) razvijanje svijesti o važnosti turizma, kao i privrednim, društvenim i drugim

efektima turizma, o potrebi i važnosti očuvanja i unapređenja svih elemenata turističkog proizvoda, a posebno zaštite životne sredine,

- d) poticanje razvoja turističke infrastrukture,
- e) pružanje informacija turistima.

Član 53.

(Djelatnost i zadaci Turističke zajednice općine/grada)

- (1) Djelatnost Turističke zajednice zasniva se na načelu ostvarivanja javnog interesa u oblasti turizma, čiji je osnovni cilj promocija turizma na području jedinice lokalne samouprave, bez ostvarivanja neposredne dobiti.
- (2) Izuzetno od stava (1) ovog člana, Turistička zajednica može da:
 - a) upravlja dobrima i resursima koji su joj dati na upravljanje odlukom osnivača u skladu sa posebnim propisima (izletišta, lovišta, parkovi, plaže, jezera, rijeke, prirodno i kulturno - historijsko nasljeđe),
 - b) organizira manifestacije i priredbe,
 - c) objavljuje turističke komercijalne oglase u oglasnim medijima,
 - d) prodaje suvenire, ulaznice, turističke karte i brošure, osim sopstvenog promotivnog materijala,
 - e) obavlja i druge poslove od javnog interesa koji su u funkciji razvoja turizma i koji nisu u suprotnosti sa ovim zakonom i drugim propisima.
- (3) Osnovni zadaci Turističke zajednice su sljedeći:
 - a) objedinjava i promovira turističku ponudu općine/grada,
 - b) učestvuje u izradi sektorske Strategije turizma i/li Strategije razvoja kantona ukoliko je u istoj planski tretiran turizam, kao posebna privredna djelatnost,
 - c) poduzima mjere i aktivnosti na kreiranju i razvoju turističkog proizvoda i turističkog imidža općine/grada, kao i radnje na formiranju i prepoznatljivosti brenda (engl. brand) turističkog proizvoda destinacije općine/grada,
 - d) radi na pripremi, kandidiranju i implementaciji događaja i projekata u oblasti razvoja i promocije turizma koji su od značaja za općinu / grad,
 - e) radi na razvoju gostoprimstva, očuvanju prirodnih i kulturnih vrijednosti i unapređenju ekološke zaštite prostora na općine / grada,
 - f) upravlja turističkom infrastrukturom jedinice lokalne samouprave ili turističkog mjesta i/ili prirodnim dobrima i drugim turističkim resursima koja su im data na upravljanje odlukom osnivača,
 - g) promovira primjenu jedinstvenog sistema za prijavu i odjavu turista od strane svih pružaoca usluga smještaja u Kantonu,
 - h) prati stanje na turističkom tržištu, prikuplja i obrađuje podatke u cilju pozicioniranja turističkog proizvoda na turističkom tržištu,
 - i) surađuje sa turističkim zajednicama u Bosni i Hercegovini, u zemljama u okruženju, Evropi i svijetu,
 - j) surađuje sa putničkim agencijama, JP Nacionalni park "Una" d.o.o. Bihać i ostalim nacionalnim parkovima u zemlji i okruženju, vezano za turističke posjete i obilaskе zaštićenih područja,
 - k) surađuje u aktivnostima i poslovima vezanim za standardizaciju, kategorizaciju i klasifikaciju turističkog proizvoda, usluga i objekata sa nadležnim ministarstvima,
 - l) učestvuje u javnoj raspravi prilikom izrade Plana promocije turizma Kantona,
 - m) Sačinjava detaljan narativni i finansijski izvještaj sa podacima o izvršavanju programa rada po pojedinačno utvrđenim zadacima, utrošenim finansijskim sredstvima za njihovu realizaciju, s posebnim podacima o stečenim prihodima, načinu i svrsi trošenja sredstava javnih prihoda, te ostvarenje ukupnih prihoda i finansijskom rezultatu poslovanja,
 - n) obavlja i druge poslove od javnog interesa koji su u funkciji razvoja turizma i koji nisu u suprotnosti sa ovim zakonom i drugim propisima.

Član 54.**(Osnivanje Turističke zajednice općine/grada i pravni status)**

- (1) Turističku zajednicu općine/grada osniva općinsko/gradsko vijeće (u daljem tekstu: osnivač).
- (2) Odluku o osnivanju Turističke zajednice, na prijedlog načelnika/gradonačelnika, donosi općinsko/gradsko vijeće, a pripremne radnje za osnivanje Turističke zajednice obavlja Stručna služba općine/grada.
- (3) Svojestvo pravnog lica Turistička zajednica stiče danom upisa u sudski registar.
- (4) Prijavu za upis u sudski registar kao i sve upisane promjene dužno je podnijeti u roku od 15 dana lice ovlašteno osnivačkim aktom.
- (5) U pogledu prava, obaveza i odgovornosti zaposlenih u turističkoj zajednici primjenjuju se propisi koji reguliraju oblast radnih odnosa.

Član 55.**(Prihodi Turističke zajednice općine/grada)**

- (1) Prihodi Turističke zajednice su:
 - a) prihodi iz budžeta osnivača,
 - b) prihodi ostvareni preraspodjelom boravišne takse,
 - c) prihodi od obavljanja privrednih djelatnosti iz člana 53. stav (2) ovog Zakona,
 - d) prihodi po osnovu učešća u posebnim domaćim i međunarodnim programima i projektima,
 - e) donacije,
 - f) kreditna zaduženja uz prethodnu suglasnost osnivača,
 - g) prihodi iz drugih izvora.
- (2) Pored izvora prihoda navedenih u stavu (1) ovog člana, poslovanje ili aktivnosti turističke zajednice mogu se financirati i dodatnim sredstvima koja osiguravaju druge zainteresirane organizacije.

Član 56.**(Javnost rada Turističke zajednice općine / grada)**

Rad turističkih zajednica je javan. Javnost rada osigurava se i ostvaruje na način propisan ovim Zakonom i statutom turističke zajednice.

Član 57.**(Statut Turističke zajednice općine/grada)**

- (1) Prava i obaveze Turističke zajednice općine/grada utvrđuju se ovim zakonom i statutom Turističke zajednice.
- (2) Statut Turističke zajednice općine/grada sadrži odredbe kojima se bliže uređuje:
 - a) naziv i sjedište,
 - b) djelatnosti i zadaci,
 - c) unutrašnja organizacija,
 - d) nadležnost organa upravljanja i drugih organa,
 - h) način odlučivanja i glasanja,
 - i) zastupanje i predstavljanje,
 - j) prava, obaveze i odgovornosti zaposlenih,
 - k) način organiziranja posla,
 - l) imovina, način sticanja imovine i raspolaganju imovinom,
 - m) način ostvarivanja javnosti rada,
 - n) način i postupak donošenja statuta i drugih općih akata,
 - o) druga pitanja od značaja za poslovanje Turističke zajednice.
- (3) Statut i odluku o izmjenama i dopunama statuta usvaja Nadzorni odbor uz prethodnu suglasnost općinskog načelnika / gradonačelnika.
- (4) Ako Turistička zajednica ne donese statut, odnosno odluku o izmjenama i dopunama statuta u roku od mjesec dana od dana prijema suglasnosti iz stava (3) ovog člana, smatrat će se da suglasnost nije ni data.
- (5) Statut Turističke zajednice i njegove izmjene i dopune objavljuju se u Službenim glasilima općine/grada.

Član 58.**(Organi Turističke zajednice općine/grada)**

- (1) Organi Turističke zajednice su: Vijeće turističke zajednice, Nadzorni odbor i direktor.
- (2) Članove Vijeća turističke zajednice imenuje i razrješava općinski načelnik / gradonačelnik na prijedlog općinske/gradske službe nadležne za oblast turizma.
- (3) Članove Nadzornog odbora imenuje i razrješava općinsko / gradsko vijeće na prijedlog načelnika / gradonačelnika, u skladu sa Zakonom o ministarskim, vladinim i drugim imenovanjima u Federaciji BiH.
- (4) Direktora Turističke zajednice općine / grada imenuje i razrješava općinsko/gradsko vijeće na prijedlog Nadzornog odbora, u skladu sa Zakonom o ministarskim, vladinim i drugim imenovanjima u Federaciji BiH.
- (5) Organi Turističke zajednice općine / grada imenuju se na period od četiri godine, a članovi mogu biti ponovno birani, odnosno imenovani najviše na još jedan mandat.
- (6) U slučaju prestanka mandata člana organa prije isteka vremena na koje je biran, novi član se bira na vrijeme do isteka mandata na koji je izabran prethodnik.
- (7) Pri imenovanju osoba u organima iz stava (2) i stava (3) ovog člana vodiće se računa o ravnopravnoj zastupljenosti oba spola.

Član 59.**(Vijeće turističke zajednice općine/grada)**

- (1) Vijeće Turističke zajednice općine/grada ima 5 članova.
- (2) U vijeće Turističke zajednice općine/grada obavezno se imenuje 1 predstavnik općine/grada, a ostali članovi imenuju se iz reda predstavnika privatnih pravnih i fizičkih lica koje posluju u oblasti turizma, ugostiteljstva i/ili povezanih djelatnosti. Članove Turističkog vijeća imenuje načelnik/gradonačelnik na prijedlog općinske/gradske službe nadležne za oblast turizma.
- (3) Vijeće Turističke zajednice je savjetodavni organ.

(4) Vijeće Turističke zajednice:

- a) daje mišljenje na godišnji Plan rada Turističke zajednice i Izvještaj o radu Turističke zajednice prije upućivanja istih Nadzornom odboru,
- b) predlaže politike i mjere poticaja u turizmu na nivou općine/grada,
- c) razmatra druga planska dokumenta koja su od značaja za razvoj turizma u općini/gradu.

(5) Vijeće Turističke zajednice zasjeda minimalno 4 puta godišnje.**Član 60.****(Nadzorni odbor)**

- (1) Nadzorni odbor Turističke zajednice općine/grada ima tri člana.
- (2) U Nadzorni odbor obavezno se imenuje jedan predstavnik općine/grada, a ostali članovi imenuju se iz reda naučnih i stručnih lica.
- (3) Nadzorni odbor iz redova svojih članova bira predsjednika.
- (4) Nadzorni odbor:
 - a) donosi statut Turističke zajednice općine/ grada,
 - b) donosi poslovnik o svome radu,
 - c) podnosi godišnji program rada sa finansijskim planom,
 - d) usvaja godišnji izvještaj o poslovanju,
 - e) podnosi Osnivaču najmanje jedanput godišnji izvještaj o poslovanju Turističke zajednice,
 - f) donosi opći akt o unutrašnjoj organizaciji i sistematizaciji poslova, pravilnik o radu i druge opće akte u skladu sa zakonom i Statutom Turističke zajednice,
 - g) provodi proceduru izbora direktora javnim konkursom u skladu sa Zakonom o ministarskim, vladinim i drugim imenovanjima u Federaciji BiH,
 - h) odlučuje o svim pitanjima obavljanja djelatnosti radi kojih je Turistička zajednica osnovana, ako Zakonom nije određeno da o određenim pitanjima odlučuje drugi organ Turističke zajednice,

- i) usmjerava, kontrolira i ocjenjuje rad direktora,
 - j) obavlja i druge poslove u skladu sa zakonom i statutom.
- (5) Akt iz stava (5) tačka a), ovog člana donosi se uz suglasnost općinskog načelnika/ gradonačelnika.
- (6) Akte iz stava (5) tačka c) i e) ovog člana donosi općinsko/gradsko vijeće.
- (7) Članovi Nadzornog odbora, pored općih uvjeta propisanih zakonom, trebaju ispunjavati i posebne uvjete:
- a) VSS-VII stepen stručne spreme ili drugi ili treći ciklus Bolonjskog sistema obrazovanja,
 - b) najmanje 3 godina radnog iskustva nakon sticanja VSS.

Član 61.

(Direktor Turističke zajednice općine/grada)

- (1) Direktor predstavlja i zastupa Turističku zajednicu, organizira i rukovodi radom i poslovanjem Turističke zajednice grada/općine, predlaže akte koje donosi Nadzorni odbor, izvršava odluke Nadzornog odbora i poduzima mjere za njihovo provođenje. U granicama utvrđenih ovlasti, direktor je odgovoran za poslovanje i zakonitost rada Turističke zajednice, odgovara za korištenje i raspolaganje imovinom i vrši druge poslove utvrđene zakonom i statutom.
- (2) Direktor Turističke zajednice općine/grada mora da posjeduje:
- a) VSS-VII stepen stručne spreme ili drugi ili treći ciklus Bolonjskog sistema obrazovanja,
 - b) najmanje 3 godina radnog iskustva nakon sticanja VSS,
 - c) aktivno znanje minimalno jednog stranog jezika.

Član 62.

(Nadzor nad radom Turističke zajednice općine/grada)

- (1) Turistička zajednica putem resorne općinske / gradske službe općinskom / gradskom vijeću

dostavlja na usvajanje godišnji Program rada i finansijski plan, te godišnji Izvještaj o radu i finansijski izvještaj.

- (2) Nadzor nad radom organa upravljanja i rukovođenja Turističke zajednice općine/ grada obavlja osnivač putem službe nadležne za oblast turizma općine/grada i Kantonalna uprava za inspekcijske poslove.
- (3) Osnivač nadzire zakonitost rada, zakonitost akata i stepen izvršenja programa rada Turističke zajednice općine / grada.
- (4) U vršenju nadzora osnivač:
- a) zahtjeva izvještaje i podatke o radu,
 - b) utvrđuje stanje izvršavanja poslova, upozorava na uočene nepravilnosti i određuje mjere i rokove za njihovo otklanjanje,
 - c) izdaje instrukcije,
 - d) nalaže preuzimanje poslova koje smatra potrebnim,
 - e) pokreće postupak za utvrđivanje odgovornosti,
 - f) obavještava nadležnu inspekciju u skladu sa posebnim zakonom,
 - g) poduzima mjere za koje je ovlašten.
- (5) U slučaju da organi upravljanja i rukovođenja Turističke zajednice općine / grada postupe suprotno odredbama ovog Zakona, općinski načelnik / gradonačelnik će pokrenuti postupak utvrđivanja njihove odgovornosti.

POGLAVLJE VIII. PRIJAVA I ODJAVA TURISTA, BORAVIŠNA TAKSA I NAČIN KORIŠTENJA I RASPOREĐIVANJA SREDSTAVA BORAVIŠNE TAKSE

Član 63.

(Prijava i odjava turista)

- (1) Davalac usluga koji pruža usluge smještaja u smještajnim objektima iz člana 64. stav (1) i (2) ovog Zakona, dužan je u roku od 24 sata po dolasku prijaviti u Jedinostveni sistem za prijavu i odjavu turista sve osobe kojima pruža usluge smještaja, te u roku od 24 sata odjaviti njihov boravak.
- (2) Iznimno, pravna i fizička lica iz stava (1) ovoga člana nisu obvezna prijaviti putem

Jedinstvenog sistema za prijavu i odjavu turista osobe iz člana 65. stav (1) tačke c) i d) ovoga Zakona.

- (3) Popis turista vodi se, a prijava i odjava turista obavljaju se putem Jedinstvenog sistema za prijavu i odjavu turista, kao centralnog elektronskog sistema prijave i odjave turista u Kantonu.
- (4) Podatke iz stava (3) ovoga člana koriste općinske/gradske turističke zajednice, odnosno općine/gradovi za potrebe praćenja turističkog prometa, istraživanja i turističkih analiza, razvoja turističke ponude, planiranja marketinških aktivnosti i upravljanja posjetiocima, te druge nadležne institucije u Kantonu, Federaciji Bosne i Hercegovine, te Bosni i Hercegovini radi obavljanja poslova iz svoga djelokruga.
- (5) Ministarstvo uspostavlja i vodi brigu o održavanju Jedinstvenog sistema za prijavu i odjavu turista.
- (6) Način prijave i odjave turista putem Jedinstvenog sistema za prijavu i odjavu turista, podatke potrebne za prijavu/odjavu te način njihova utvrđivanja, prikupljanja i čuvanja ministar propisuje pravilnikom.

Član 64.

(Boravišna taksa)

- (1) Boravišna taksa je novčani iznos koji plaća lice, koje izvan svog prebivališta koristi usluge smještaja u smještajnom objektu u kojem se obavlja turistička ili ugostiteljska djelatnost (u daljem tekstu: smještajni objekt). Lice koje koristi usluge noćenja u smještajnom objektu u kojem se obavlja ugostiteljska djelatnost plaća boravišnu taksu po svakom ostvarenom noćenju, ako ovim zakonom nije drugačije određeno, po dolasku u smještajni objekt.
- (2) Smještajnim objektom, u smislu stava (1) ovoga člana, smatra se: hotel, motel, pansion, turistički apartman, odmaralište, kamp, planinarski dom, soba za iznajmljivanje, seosko domaćinstvo i svi drugi objekti u kojima se pružaju usluge smještaja.

- (3) Lica iz stava (1) ovog člana, boravišnu taksu plaćaju pravnom ili fizičkom licu s kojim su ugovorile pružanje usluga smještaja.
- (4) Izuzetno od stava (1) ovog člana, lica koja pružaju ugostiteljske usluge smještaja u domaćinstvu (lica u domaćinstvu) plaćaju godišnji paušalni iznos boravišne takse za svaki krevet i smještajnu jedinicu koji se koristi za pružanje usluga smještaja u skladu sa propisima o pružanju usluga smještaja.
- (5) Boravišnu taksu pod jednakim uslovima plaćaju domaći i strani državljani.

Član 65.

(Oslobađanja od obaveza plaćanja boravišne takse)

- (1) Boravišnu taksu ne plaćaju:
 - a) djeca do 12 godina starosti,
 - b) lica sa utvrđenim stepenom invalidnosti;
 - c) lica upućena na banjska i klimatska liječenja, odnosno specijaliziranu rehabilitaciju od nadležne ljekarske komisije,
 - d) lica koja obavljaju sezonske poslove sa prijavljenim boravkom u turističkom mjestu,
 - e) strani državljani koji su po međunarodnim konvencijama i sporazumima oslobođeni plaćanja taksi,
 - f) strani državljani koji organizirano, preko zvaničnih humanitarnih organizacija, dolaze radi pružanja humanitarne pomoći.
- (2) Lica iz stava (1) ovog člana ne plaćaju boravišnu taksu ako podnesu dokaz o ispunjavanju uslova utvrđenih u ovom stavu (članska karta, potvrda škole, ljekara, ljekarska uputnica i dr.).
- (3) Boravišnu taksu umanjenu za 50% plaćaju lica od navršenih 12 do 18 godina starosti.

Član 66.**(Visina boravišne takse)**

- (1) Odluku o visini boravišne takse, visini godišnjeg paušalnog iznosa boravišne takse iz člana 64. ovog Zakona, na prijedlog Ministarstva uz prethodno pribavljeno mišljenje Turističkog vijeća, donosi Vlada Unsko-sanskog kantona.
- (2) Odluka o visini boravišne takse iz stava 1. ovoga člana mora se donijeti i objaviti na zvaničnim internetskim stranicama Vlade, turističkih zajednica općina/gradova, odnosno općina/gradova, najkasnije do 30. novembra tekuće godine za sljedeću godinu.

Član 67.**(Naplata boravišne takse)**

- (1) Naplatu boravišne takse vrši pravno i fizičko lice koje pruža usluge smještaja (u daljem tekstu: davalac usluga).
- (2) Davalac usluga naplaćuje boravišnu taksu istovremeno sa naplatom usluge smještaja.
- (3) U računu za pružene usluge iz stava (2) ovoga člana posebno se iskazuje iznos naplaćene boravišne takse i osnov za oslobođenje od plaćanja odnosno osnov za plaćanje umanjenog iznosa boravišne takse.
- (4) Iznimno od stava (2) ovoga člana, lica koja pružaju ugostiteljske usluge smještaja u domaćinstvu (lica u domaćinstvu), u računu za naplatu izvršene usluge smještaja ne označuju iznos boravišne takse.
- (5) Pravna i fizička lica iz stava (1) ovoga člana obvezne su naplatiti boravišnu taksu u visini propisanoj u članu 66. ovoga Zakona.
- (6) Ako davalac usluga ne naplati boravišnu taksu, dužan je da na svoj teret uplati iznos nenaplaćene boravišne takse.

Član 68.**(Rokovi uplate boravišne takse)**

- (1) Pravna i fizička lica iz člana 63. stava (1) ovoga Zakona obvezne su boravišnu taksu uplatiti na propisani račun svakog 1. i 15. u mjesecu za sva noćenja ostvarena u tom razdoblju, s rokom dospijeca od sedam dana.

- (2) Uplatnice za plaćanje boravišne takse se preuzimaju se iz Jedinstvenog sistema za prijavu i odjavu gostiju.
- (3) Lica koja pružaju ugostiteljske usluge smještaja u domaćinstvu koja plaćaju paušalni iznos boravišne takse, obvezna su paušalni iznos boravišne takse uplatiti:
 - a) najkasnije do 15. maja tekuće godine ili
 - b) u tri jednake rate, s tim da prva rata dospijeva 31. maja, druga 31. augusta i treća 30. septembra tekuće godine, a uplatnice za plaćanje boravišne takse preuzimaju se iz Jedinstvenog sistema za prijavu i odjavu turista.

Član 69.**(Način korištenja i raspoređivanja sredstava boravišne takse)**

- (1) Sredstva od naplaćene boravišne takse davalac usluga dužan je uplatiti na depozitni račun budžeta Kantona, najkasnije do 5. u mjesecu za protekli mjesec.
- (2) Sredstva prikupljena po osnovu boravišne takse su namjenski prihod i koriste se isključivo za razvoj i unapređenje turističke ponude jedinica lokalne samouprave i Kantona.
- (3) Prihod od boravišne takse raspoređuje se na korisnike sredstava:
 - a) 80% u korist grada/općine,
 - b) 20% u korist budžeta Kantona.
- (4) Sredstva iz stava (3) tačka a) ovog člana, sa budžeta Kantona raspoređuju se na račun općinske/gradske turističke zajednice ili općine/grada sa područja kojeg je boravišna taksa i naplaćena ukoliko na području općine/grada nema turističke zajednice.

POGLAVLJE IX.**TURISTIČKA SIGNALIZACIJA****Član 70.****(Turistička signalizacija)**

- (1) Turistički potencijali, kao i sadržaji turističke ponude obilježavaju se odgovarajućim slikama, simbolima i natpisima (u daljem tekstu: turistička signalizacija).

- (2) Turistička signalizacija predstavlja znakove, odnosno table, panoe ili karte kojima se usmjeravaju i obavještavaju turisti, pješaci, biciklisti i učesnici u saobraćaju o kulturnim, historijskim, prirodnim i turističkim znamenitostima, objektima turističke infrastrukture i suprastrukture, manifestacijama i ostalim sadržajima turističke ponude.
 - (3) Turistička signalizacija ne smije biti oštećena ili nepropisno postavljena.
 - (4) Vrsta, značenje, oblik, boja, dimenzije i postavljanje turističke i ostale signalizacije na putevima utvrđen je Pravilnikom o turističkoj i ostaloj signalizaciji na putevima u Bosni i Hercegovini.
- b) učešće u financiranju promotivnih aktivnosti turističkih destinacija, kao i učešće na turističkim manifestacijama u zemlji i inostranstvu,
 - c) poticanje izgradnje turističke infrastrukture i turističke suprastrukture,
 - d) unapređivanje postojeće turističke ponude,
 - e) poticanje domaćeg i receptivnog turizma,
 - f) financiranje projekata iz oblasti turizma ili drugih oblasti srodnih turizmu, kao što su ugostiteljstvo, uslužne djelatnosti, kulturne, sportske i ostale srodne djelatnosti koje se mogu turistički valorizirati,
 - g) jačanje kadrovskih i tehničkih kapaciteta unutar Korisnika sredstava i
 - h) pružanje podrške subjektima u turizmu pogođenim posljedicama proglašenja vanrednog stanja, prirodne ili druge nesreće uzrokovane višom silom.

Član 71.

(Uslovi za postavljanje turističke signalizacije na putevima)

- (1) Turistička signalizacija se postavlja na osnovu odobrenja nadležnog organa u skladu sa postupkom koji je reguliran propisima o turističkoj i ostaloj signalizaciji na putevima, a prema zahtjevu općinske/ gradske turističke zajednice ili općine/grada.
 - (2) Odredba iz stava (1) ovog člana se ne odnosi na zakonski proglašeno zaštićeno područje, kojim upravlja Javno preduzeće Nacionalni park "Una" d.o.o. Bihać, u skladu sa Zakonom o Nacionalnom parku "Una" („Službene novine Federacije BiH“, broj: 44/08)
- (2) U svrhu provođenja aktivnosti iz stava (1) ovog člana, u budžetu Kantona i budžetima jedinica lokalne samouprave mogu se planirati i dodatna sredstva.
 - (3) Pravo na dodjelu namjenskih sredstava imaju subjekti koji su registrirani u Kantonu za obavljanje djelatnosti turizma i ugostiteljstva, ili sa turizmom neposredno povezanih djelatnosti, a ti subjekti mogu biti:
 - a) pravna i fizička lica koja su registrirana za obavljanje turističke djelatnosti,
 - b) fizička lica koja pružaju ugostiteljske usluge na selu, apartmanu, kući za odmor, odnosno sobi za iznajmljivanje,
 - c) udruženja i ostale neprofitne organizacije,
 - d) jedinice lokalne samouprave i turističke zajednice grada ili općine i ostale javne ustanove i pravna lica osnovana na nivou jedinice lokalne samouprave i
 - e) javne ustanove i javna poduzeća.
 - (4) Dodjela namjenskih sredstava za razvoj turizma vrši se na osnovu javnog poziva.
 - (5) Za provođenje javnog poziva ministar imenuje Komisiju za sprovođenje postupka dodjele namjenskih sredstava.

POGLAVLJE X. POTICAJNE MJERE ZA RAZVOJ TURIZMA

Član 72.

(Poticajne mjere za razvoj turizma)

- (1) Sredstva prikupljena po osnovu naplate boravišne takse iz člana 69. Zakona, korisnici sredstava koriste za:
 - a) učešće u financiranju izrade Strategije, Marketing plana, Plana promocije, Master plana, studija izvodljivosti turističkih projekata, urbanističkih i

- (6) Za provođenje postupka nadzora i kontrole korištenja dodijeljenih namjenskih sredstava ministar imenuje Komisiju za kontrolu korištenja poticajnih sredstava za razvoj turizma.
- (7) U vršenju nadzora Ministarstvo, u slučaju utvrđene povrede propisa i općih akata, ovlašteno je zahtijevati otklanjanje nedostataka utvrđenih u postupku korištenja dodijeljenih poticajnih sredstava i povrat vrijednosti sredstava upotrijebljenih suprotno odredbama ovog Zakona i propisa donesenih za njegovo provođenje.
- (8) Korisnicima poticajnih sredstava na koje se odnose mjere iz prethodnog stava ne mogu ostvariti pravo na poticajna sredstva predviđena ovim Zakonom do 5. godina računajući od dana pravomoćnosti odluke.

Član 73.

(Kriteriji za dodjelu sredstava)

- (1) Izbor projekata koji će biti financirani ili sufinancirani namjenskim sredstvima vrši se prema sljedećim kriterijima:
 - a) turistička valorizacija aktivnosti, opravdanost i svrsishodnost aktivnosti, doprinos aktivnosti razvoju turističke i ugostiteljske privrede i njen značaj sa stanovišta razvoja pojedinih oblika turizma prema programima rada Ministarstva i strateškim dokumentima u turizmu,
 - b) doprinos projekta razvoju turističkih proizvoda i cjelokupne turističke ponude Kantona,
 - c) doprinos poboljšanju i unapređivanju standarda i kvaliteta turističke i ugostiteljske ponude, kao i društvenog socioekonomskog okruženja.
- (2) U toku jedne kalendarske godine, turistički subjekti mogu ostvariti pravo na maksimalno jedan poticaj za razvoj turizma koji se dodjeljuju sa nivoa kantona.
- (3) Ugovor o financiranju projekta iz oblasti turizma sadrži podatke o dodijeljenom financijskom iznosu, precizno utvrđenu svrhu trošenja budžetskih sredstava, visinu učešća korisnika sredstava u financiranju projekta iz vlastitih ili drugih izvora, dinamiku prijenosa budžetskih sredstava, obavezu redovnog izvještavanja Ministarstva o namjenskom utrošku sredstava, način kontrole utroška dodijeljenih sredstava, te ostala međusobna prava i obaveze ugovornih strana.

- (4) Vlada, na prijedlog Ministarstva, odlukom propisuje uslove i detaljne kriterije za dodjelu sredstava, kao i postupak i način dodjele i korištenja sredstava, odnosno način utroška i kontrole utroška sredstava iz člana 72. stava (1) ovog Zakona.

Član 74.

(Obaveze korisnika poticaja)

- (1) Korisnik poticaja obavezan je da dodijeljena poticajna sredstva koristiti u skladu sa namjenom i uvjetima utvrđenim ugovorom.
- (2) Korisnik poticaja obavezan je pridržavati se ugovorenih rokova o implementaciji dodijeljenih sredstava.
- (3) Korisnik poticaja obavezan je da Ministarstvu blagovremeno dostavi izvještaj o utrošku financijskih sredstava sa potrebnim dokazima u roku koji je određen ugovorom.
- (4) Korisnik poticaja obavezan je da čuva dokumentaciju na osnovu koje su dodijeljena namjenska sredstva Ministarstva najmanje tri godine od dana zaključenja ugovora.
- (5) Korisnik poticaja dužan je da bez odgađanja, u slučaju nastanka okolnosti koje otežavaju ili onemogućavaju realizaciju ugovorenih obaveza, a najkasnije u roku od pet dana od dana nastanka okolnosti obavijesti Ministarstvo o:
 - a) odgađanju ili promjeni roka za realizaciju ugovorne obaveze,
 - b) nastanku okolnosti koje sprečavaju ili odugovlače realizaciju ugovora,
 - c) statusnim i drugim bitnim organizacionim i kadrovskim promjenama koje mogu uticati na realizaciju ugovorne obaveze,
 - d) promjeni okvira zadatka ili ciljeva aktivnosti,
 - e) potrebi za dodatnim poticajima za realizaciju aktivnosti,

- f) namjeri ugovaranja ili podugovaranja i izvođenja određenih aktivnosti i
- g) drugim važnijim pitanjima koja se pojave u trenutku realizacije ugovornih odredaba, a koji na određen način mijenjaju projektne aktivnosti ili ugovorene obaveze.

POGLAVLJE XI. REGISTAR TURIZMA

Član 75.

(Registar turizma)

- (1) Ministarstvo vodi elektronski Registar turizma.
- (2) U Registar turizma evidentiraju se podaci o:
 - a) planskoj dokumentaciji,
 - b) prostorima od posebnog značaja,
 - c) turističkim mjestima,
 - d) subjektima turističke djelatnosti,
 - e) putničkim agencijama,
 - f) licencama,
 - g) voditeljima poslovnica,
 - h) turističkim vodičima,
 - i) pružaocima usluga u seoskom domaćinstvu,
 - j) pružaocima usluga u ostalim oblicima turizma,
 - k) subjektima koji pružaju usluge iznajmljivanja putničkih vozila i/ili vozila za prijevoz putnika,
 - l) turističkim zajednicama.
- (3) Konačna rješenja koja donose organi iz stava 2. tačke d), e), g), h), i), j) k) i l) dostavljaju se Ministarstvu u roku od 7 dana od dana donošenja radi evidentiranja u Registar turizma na način propisan ovim Zakonom i podzakonskim propisima donesenim na osnovu ovog Zakona.
- (4) Ministar pravilnikom propisuje sadržaj, izgled i način vođenja Registra turizma.

POGLAVLJE XII. NADZOR

Član 76.

(Nadzor)

- (1) Upravni nadzor nad provođenjem ovog Zakona i propisa donesenih na osnovu ovog Zakona obavlja Ministarstvo i općina/grad, svako u okviru svoje nadležnosti.
- (2) Inspeksijski nadzor u provođenju ovog Zakona i propisa donesenih na osnovu ovog Zakona, te pojedinačnih akata, uslova i načina rada nadziranih pravnih i fizičkih lica, provodi Kantonalna uprava za inspeksijske poslove putem nadležne tržišno, turističko-ugostiteljske inspekcije i drugih inspekcija u okviru svoje nadležnosti, u skladu sa posebnim propisima donesenim od strane Vlade Federacije Bosne i Hercegovine i Vlade Kantona.
- (3) Pravna i fizička lica čije su prostorije i prostori, uređaji i oprema, odnosno predmeti rada i poslovanja podvrgnuti inspeksijskom nadzoru, obavezni su omogućiti inspektorima nesmetano obavljanje inspeksijskog nadzora.
- (4) Inspeksijski nadzor treba biti obavljen tako da ne ometa redovno obavljanje rada poslovanja.

Član 77.

(Ovlaštenje inspektora)

U provođenju inspeksijskog nadzora nadležni inspektor je ovlašten pregledati: poslovne i druge prostorije u kojima se obavlja turistička djelatnost, opremu, vozila kojima se obavlja turistička djelatnost, poslovne knjige, ugovore, isprave i evidencije i drugu poslovnu dokumentaciju koja mu omogućava uvid u poslovanje pravnih i fizičkih lica koje pružaju turističke usluge, te obaviti i druge radnje u svrhu inspeksijskog nadzora.

Član 78.

(Zabrana rada)

- (1) Kantonalni turističko - ugostiteljski inspektor će donijeti rješenje kojim će zabraniti pružanje turističke usluge ako utvrdi da:
 - a) pravno ili fizičko lice obavlja turističku djelatnost, a da nije upisano u sudski registar, odnosno ne posjeduje rješenje, odnosno odobrenje nadležnog organa,

- b) pravno ili fizičko lice obavlja turističku djelatnost, a nije pribavilo rješenje da objekt, odnosno poslovni prostor u kojem pruža usluge, udovoljava uslovima propisanim ovim zakonom, ili propisima donesenim na osnovu ovog Zakona,
 - c) pravno ili fizičko lice ne posjeduje odgovarajuću licencu.
- (2) Žalba na rješenje iz stava (1) ovog člana ne odlaže izvršenje rješenja.
 - (3) Ukoliko inspektor, nakon što je rješenje o zabrani rada postalo izvršno, utvrdi da subjekt nadzora, i pored zabrane, obavlja turističku djelatnost, donijet će zaključak o dozvoli izvršenja prinudnim putem.
 - (4) Troškovi prinudnog izvršenja kao i troškovi štete nastali prinudnim izvršenjem padaju na teret izvršenika - stranke.

Član 79.

(Mjere za otklanjanje nedostataka)

- (1) Ako su poslovni prostor, uređaji i oprema namijenjeni za obavljanje turističke djelatnosti prestali ispunjavati propisane uslove, po izdatom odobrenju inspektor će, bez odlaganja a najkasnije u roku od osam dana, narediti otklanjanje utvrđenih nedostataka s utvrđenim činjenicama odlučnim za donošenje rješenja, kojim će odrediti rok ne kraći od 30 dana pravnom ili fizičkom licu da prilagodi pružanje usluga u skladu sa zakonom.
- (2) Za sve ostale utvrđene nedostatke i nepravilnosti u poslovanju turističkih subjekata, utvrđene na osnovu ovog Zakona i propisa donesenih na osnovu ovog Zakona, inspektor će postupiti kao u stavu (1) ovog člana.
- (3) Ako nedostaci i nepravilnosti iz stava (1) i (2) ovog člana ne budu otklonjeni u određenom roku, inspektor će zabraniti pružanje turističkih usluga.
- (4) Žalba na rješenje iz stava (1), (2) i (3) ovog člana ne odlaže izvršenje rješenja.

Član 80.

(Nepriдрžavanje cijena)

Ako inspektor u provedbi inspeksijskog nadzora utvrdi da je kupcu usluge naplaćena ili zaračunata viša cijena od utvrđene, naredit će prodavcu usluge da vrati više naplaćeni iznos

oštećenom kupcu usluge i bez odlaganja izdati prekršajni nalog, odnosno podnijeti zahtjev za pokretanje prekršajnog postupka.

Član 81.

(Suradnja sa drugim organima)

Ako inspektor prilikom obavljanja inspeksijskog nadzora utvrdi nepravilnosti ili nepriдрžavanje propisa za čiji nadzor nije nadležan, obavijestit će nadležni organ, bez odlaganja, a najkasnije u roku od osam dana.

POGLAVLJE XIII. KAZNE NE ODREDBE

Član 82.

- (1) Novčanom kaznom u iznosu od 1.500,00 KM do 15.000,00 KM kaznit će se za prekršaj pravno lice ako:
 - a) reklamira pružanje turističkih usluga suprotno članu 21. ovog Zakona,
 - b) pruža usluge putničke agencije, a nije putnička agencija (član 22.stav (1)),
 - c) se u prometu nezakonito koristi izrazom "putnička agencija" (član 22. stav (2)),
 - d) organizira turističko putovanje prije nego što je pribavilo licencu (član 23.),
- (2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom od 200,00 KM do 2.000,00 KM.
- (3) Za prekršaje iz stava (1) ovog člana kaznit će se i vođitelj poslovnice novčanom kaznom od 150,00 KM do 1.500,00 KM.

Član 83.

- (1) Novčanom kaznom od 500,00 KM do 5.000,00 KM kaznit će se za prekršaj pravno lice ako:
 - a) pisano ne obavijesti davaoca usluga o turističkom zastupniku, njegovim ovlaštenjima i svim nastalim promjenama (član 32. stav (2)),
 - b) pruža usluge u kongresnom turizmu bez pribavljenog rješenja o ispunjavanju minimalno - tehničkih uslova, odnosno rješenja o odobrenju za pružanje tih turističkih usluga od nadležnog organa (član 40. stav (1)),

- c) pruža usluge u avanturističkom turizmu bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 45. stav (1)),
 - d) za aktivnosti koje se provode na nepristupačnim mjestima, kao i specifičnim destinacijama što se tiče prirodnih i klimatskih uvjeta (rijeke, planine i sl.), organizator i/ili lica koja ih izvode ne izvrše procjenu rizika i nemaju donesen elaborat spašavanja (član 43. stav (4) i član 46. stav (5)),
 - e) pruža usluge u avanturističkom turizmu, a ne ispunjava propisane obaveze (član 44. stav (1)),
 - f) pruža usluge u avanturističkom turizmu licima mlađim od 18 godina bez pismene suglasnosti roditelja odnosno staratelja, ukoliko roditelj, odnosno staratelj nije prisutan (član 44. stav (2)),
 - g) pruža usluge na divljim vodama bez pribavljenog rješenja o ispunjavanju minimalno-tehničkih uslova, odnosno rješenja o odobrenju za pružanje tih turističkih usluga od nadležnog organa (član 49. stav (1)),
 - h) pruža usluge na divljim vodama, a ne ispunjava propisane obaveze (član 48. stav (1)),
 - i) pruža usluge na divljim vodama licima mlađim od 18 godina bez pismene suglasnosti roditelja odnosno staratelja, ukoliko roditelj, odnosno staratelj nije prisutan (član 48. stav (2)).
- (2) Za prekršaje iz stava (1) ovog člana kaznit će se i odgovorno lice u pravnom licu novčanom kaznom od 100,00 KM do 1.000,00 KM.
- (3) Za prekršaje iz stava (1) ovog člana kaznit će se i voditelj poslovnice novčanom kaznom od 100,00 KM do 500,00 KM.
- (4) Za prekršaje iz stave (1) ovog člana kazniti će se i fizičko lice novčanom kaznom od 100,00 KM do 1.000,00 KM.

Član 84.

Novčanom kaznom u iznosu od 100,00 KM do 1.000,00 KM kaznit će se za prekršaj fizičko lice ako:

- a) bez odobrenja nadležnog organa obavlja poslove turističkog vodiča (član 27.),
- b) pri obavljanju poslova turističkog vodiča nema iskaznicu turističkog vodiča ili koje iskaznicu ne nosi na vidljivom mjestu (član 29.),
- c) pruža usluge turističkog pratioca, a ne ispunjava propisane uslove (član 30.),
- d) pruža usluge turističkog animatora, a ne ispunjava propisane uslove (član 31.),
- e) pruža usluge u seoskom turizmu, a ne ispunjava uslove propisane ovim zakonom i drugim propisima (član 35. i 36.),
- f) pruža usluge iz člana 43. stav (1) i člana 46. stav (1) ovog Zakona, bez odgovarajuće licence/dozvole nadležnih institucija ili udruženja, kojim se utvrđuje sposobnost i nivo vještine obavljanja aktivnosti (član 43. stav (3) i člana 46. stav (4)).

Član 85.

Novčanom kaznom za nepostupanje po rješenju inspektora kaznit će se:

- a) pravno lice novčanom kaznom od 500,00 KM do 1.500,00 KM,
- b) odgovorno lice u pravnom licu novčanom kaznom od 200,00 KM do 500,00 KM,
- c) fizičko lice novčanom kaznom od 300,00 KM do 500,00 KM.

Član 86.

Za prekršaje utvrđene u članovima 82., 83. i 84. ovog Zakona, ako se ponove u roku od jedne godine od pravosnažnosti rješenja o prekršaju, uz novčanu kaznu sud može izreći i zaštitnu mjeru pravnom i fizičkom licu zabrane obavljanja turističke djelatnosti u trajanju do šest mjeseci.

Član 87.

- (1) Novčanom kaznom u iznosu od 2000,00 KM do 5.000,00 KM kaznit će se za prekršaj Turistička zajednica ako:
- a) započne obavljati djelatnost prije nego što je upisana u sudski registar (čl.54. stav (3)),

- b) ne prijavi promjenu upisanih podataka (čl.54. stav (4)),
 - c) donese statut i /ili izmjene i dopune statuta bez prethodne suglasnosti (čl.57. stav. (3)),
 - d) ne objavi statut ili njegove izmjene i dopune (čl.57. stav (5)),
 - e) ne ostvaruje zakonom utvrđene zadatke (čl. 53.),
 - f) ne donese godišnji program rada i finansijski plan na propisan način (čl. 60. stav (5) tačka c)),
 - g) ne donese godišnji izvještaj o radu i finansijski izvještaj na propisan način. (čl. 60. stav (5) tačka d)),
 - h) ne omogući provedbu nadzora u skladu sa članom 62. ovog Zakona,
 - i) ne otkloni nepravilnosti i nezaklonosti utvrđene nadzorom (čl. 79. stav (3)).
- (2) Za prekršaje iz stava (1) ovog člana kaznit će se novčanom kaznom u iznosu od 500,00 KM do 2.500,00 KM i odgovorno lice u Turističkoj zajednici.

Član 88.

- (1) Novčanom kaznom u iznosu od 500,00 do 5.000,00 KM kaznit će se za prekršaj pravna i fizička lica ako na depozitni račun budžeta ne uplate boravišnu taksu u skladu sa članom 68. stav (1) ovog zakona.
- (2) Za prekršaj iz stava (1) ovoga člana kaznit će se i odgovorna osoba u pravnom licu novčanom kaznom u iznosu od 250,00 do 1.000,00 KM.
- (3) U slučaju ponavljanja prekršaja iz stava (1) ovoga člana kaznit će se pravna i fizička lica iz člana 67. stava (1) ovoga Zakona novčanom kaznom u iznosu od 1.000,00 do 10.000,00 KM.

Član 89.

- (1) Novčanom kaznom od 500,00 KM do 5.000,00 KM kaznit će se za prekršaj fizičko i pravno lice koje pruža usluge smještaja, ako:
- a) u svakom pojedinačnom slučaju ne naplati boravišnu taksu istovremeno sa naplatom usluge (čl. 67. stav (2)),
 - b) u računu posebno ne iskaže iznos boravišne takse ili ne navede osnov

oslobađanja od njenog plaćanja (čl.67. stav (3)),

- c) naplati boravišnu taksu u visini drugačijoj od propisane (čl. 66.),
- d) ne vrši prijavu i odjavu turista na propisan način (čl. 63. stav (1)).

- (2) Za prekršaj iz stava (1) ovog člana kaznit će se odgovorno lice u pravnom licu novčanom kaznom od 250,00 KM do 1.000,00 KM.

Član 90.

- (1) Novčanom kaznom u iznosu od 500,00 do 2.500,00 KM kaznit će se za prekršaj lice koje pruža ugostiteljske usluge smještaja u domaćinstvu (lice u domaćinstvu) ako:
- a) ne uplati godišnji paušalni iznos boravišne takse jednokratno u cijelom iznosu do 15. maja tekuće godine ili u tri jednake rate, s tim da prva rata dopijeva 31. maja, druga 31. augusta, a treća 30. septembra tekuće godine (čl. 68. stav (3)),
 - b) u roku od 24 sata od dolaska ne prijavi u Jedinostveni sistem za prijavu i odjavu turista sve osobe kojima pruža uslugu noćenja, te u roku od 24 sata od odlaska ne odjavi njihov boravak (čl. 63. stav (1)).
- (2) U slučaju ponavljanja prekršaja iz stava (1) ovoga člana kaznit će se lice koja pruža ugostiteljske usluge smještaja u domaćinstvu (lice u domaćinstvu) novčanom kaznom u iznosu od 1.000,00 do 5.000,00 KM.

Član 91.

- (1) Novčanom kaznom u iznosu od 500 KM do 5.000 KM kaznit će se za prekršaj korisnik sredstava – pravno lice, ako nenamjenski koristi dodijeljena sredstva u realiziranju mjere razvoja (čl. 74. stav (1)).
- (2) Novčanom kaznom u iznosu od 250 KM do 1.000 KM kaznit će se i odgovorna osoba u pravnom licu za prekršaj iz ovog člana.
- (3) Za prekršaj iz stava (1) ovog člana kaznit će se fizičko lice - korisnik sredstava novčanom kaznom u iznosu od 500 KM do 1.500 KM.

Član 2.

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: 01-02-4-266/20 Zamjenik Predsjedavajućeg
21. septembar 2020. godine Skupštine Unsko-sanskog kantona
Bihać Razim Halkić, mr. informatike

902.

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“ broj: 9/17) na 13. redovnoj sjednici održanoj dana 21.09.2020. godine, Skupština Unsko-sanskog kantona donosi

ZAKLJUČAK**Član 1.**

Prihvata se Izvještaj o radu i finansijskom poslovanju ZU Apoteka Bužim za 2019. godinu.

Član 2.

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: 01-02-4-267/20 Zamjenik Predsjedavajućeg
21. septembar 2020. godine Skupštine Unsko-sanskog kantona
Bihać Razim Halkić, mr. informatike

903.

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“ broj: 9/17) na 13. redovnoj sjednici održanoj dana 21. 09. 2020. godine, Skupština Unsko-sanskog kantona donosi

ZAKLJUČAK**Član 1.**

Prihvata se Program rada i finansijski plan ZU Apoteka Bužim za 2020. godinu.

Član 2.

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: 01-02-4-268/20 Zamjenik Predsjedavajućeg
21. septembar 2020. godine Skupštine Unsko-sanskog kantona
Bihać Razim Halkić, mr. informatike

904.

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“ broj: 9/17) na 13. redovnoj sjednici održanoj dana 21.09.2020. godine, Skupština Unsko-sanskog kantona donosi

ZAKLJUČAK**Član 1.**

Prihvata se Izvještaj o radu i finansijskom poslovanju JP „RTV USK-a“ d.o.o Bihać za 2019. godinu.

Član 2.

Ovaj Zaključak stupa na snagu danom donošenja i objavit će se u „Službenom glasniku Unsko-sanskog kantona“.

Broj: 01-02-4-269/20 Zamjenik Predsjedavajućeg
21. septembar 2020. godine Skupštine Unsko-sanskog kantona
Bihać Razim Halkić, mr. informatike

905.

Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona“ broj: 9/17) na 13. redovnoj sjednici održanoj dana 21. 09. 2020. godine, Skupština Unsko-sanskog kantona donosi

ZAKLJUČAK**Član 1.**

Prihvata se Program rada za 2020. godinu sa finansijskim planom JP „RTV USK-a“ d.o.o Bihać.

IV

Za realizaciju ove Odluke zadužuje se Ministarstvo privrede i Ministarstvo finansija.

V

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-017-2150/2020
17. septembar 2020. godine

B i h a ć

PREMIJER KANTONA

mr.sci. Mustafa Ružnić



907.

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), a u vezi sa članom 52. Zakona o izvršavanju Budžeta Unsko-sanskog kantona za 2020. godinu („Službeni glasnik Unsko-sanskog kantona“, broj: 7/20 i 19/20), na prijedlog Ministarstva zdravstva, rada i socijalne politike, Vlada Unsko-sanskog kantona na sjednici održanoj dana 17. 9. 2020. godine, d o n o s i :

R/b	NAZIV PROGRAMA	SVRHA PROGRAMA	ORGANIZACIJA PRIMALAC	IZNOS U KM
1.	Transferi za zdravstvo - Zavod za javno zdravstvo-strategija razvoja zdravstva na USK 2021.- 2026. godina kako slijedi	Izrada Strategije razvoja zdravstva na području USK-a za period 2021.-2026. godina, a vezano za Odluku Vlade Unsko-sanskog kantona broj: 03-017-2105/2020. od 03.09.2020.godine	ZU Zavod za javno zdravstvo Unsko-sanskog kantona Bihać	30.000,00

II

O namjenskom utrošku sredstava iz tačke I ove Odluke, ZU Zavod za javno zdravstvo Unsko-sanskog kantona Bihać će dostaviti izvještaj Ministarstvu zdravstva, rada i socijalne politike, a Ministarstvo će o istom izvijestiti Vladu Unsko-sanskog kantona.

O D L U K U

o usvajanju Programa utroška sredstava tekućeg granta Transferi za zdravstvo - Zavod za javno zdravstvo - strategija razvoja zdravstva na USK 2021. - 2026. godina iz Odluke o izmjenama i dopunama Budžeta Unsko-sanskog kantona za 2020. godinu

I

Usvaja se Program utroška sredstava iz Odluke o izmjenama i dopunama Budžeta Unsko-sanskog kantona za 2020. godinu, tekućeg granta utvrđenog u razdjelu 17, ekonomski kod 614100 HAO020-Transferi za zdravstvo-Zavod za javno zdravstvo-strategija razvoja zdravstva na USK 2021.-2026. godina kako slijedi:

III

O izvršenju ove Odluke staraće se Ministarstvo zdravstva, rada i socijalne politike i Ministarstvo finansija svako u okviru svojih nadležnosti.

R.br	SVRHA PROGRAMA	NAZIV PROGRAMA	ORGANIZACIJA PRIMALAC	IZNOS U KM
1.	Financijska podrška u radu	Tekući grant-Grantovi neprofitnim organizacijama- Roditeljska kuća Udruženja „Srce za djecu oboljelu od raka“	Udruženje „Srce za djecu oboljelu od raka“ Sarajevo	50.000,00
			Ukupno:	50.000,00

II

Isplata iz tačke I ove Odluke teretit će sredstva utvrđena u razdjelu 17. Budžeta Unsko-sanskog kantona za 2020. godinu, ekonomskog koda 614300 HAN 020-Grantovi neprofitnim organizacijama- Roditeljska kuća Udruženja „Srce za djecu oboljelu od raka“.

III

Zadužuje se Udruženje „Srce za djecu oboljelu od raka“ Sarajevo da Ministarstvu zdravstva, rada i socijalne politike dostavi izvještaj o namjenskom utrošku doznačenih sredstava iz tačke I ove Odluke, a Ministarstvo će o istom izvijestiti Vladu Unsko-sanskog kantona, shodno odredbama Zakona o izvršavanju Budžeta Unsko-sanskog kantona za 2020. godinu.

IV

Za realizaciju ove Odluke zadužuje se Ministarstvo zdravstva, rada i socijalne politike i Ministarstvo finansija, svako u okviru svoje nadležnosti.

V

Ova Odluka stupa na snagu danom donošenja, a objavit će se u „Službenom glasniku Unsko-sanskog kantona“.

Broj: 03-017-2170/2020
18. septembar 2020. godine

B i h a ć

PREMIJER KANTONA
mr.sci. Mustafa Ružnić

911.

Na osnovu člana 16. i 18. Zakona o Vladi Unsko-sanskog kantona („Službeni glasnik Unsko-sanskog kantona“, broj; 5/08), člana 49. i 52. Zakona o izvršavanju Budžeta Unsko-sanskog kantona za 2020. godinu („Službeni glasnik Unsko-sanskog kantona“, broj: 7/20 i 19/20), člana 5. i 44. Zakona o dopunskim pravima branilaca i članova njihovih porodica („Službeni glasnik Unsko-sanskog kantona“, broj: 3/05, 1/09, 29/12, 24/18 i 17/19), na prijedlog Ministarstva za pitanja boraca i ratnih vojnih invalida, Vlada Unsko-sanskog kantona na sjednici održanoj dana 24. 9. 2020. godine, d o n o s i

ODLUKU

o usvajanju Programa utroška sredstava Kapitalnih grantova neprofitnim organizacijama–Spomen obilježje Biljani

I

Usvaja se Program utroška sredstava Kapitalnih grantova neprofitnim organizacijama – Spomen obilježje Biljani, Ministarstva za pitanja boraca i ratnih vojnih invalida, utvrđenih u Rebalansu Budžeta Unsko-sanskog kantona za 2020. godinu, razdjel 16, glava 01, potrošačka jedinica 0001, funkcionalni kod 1090, ekonomski kod 615 300 - GAV 017, kako slijedi:

Red. broj	Naziv programa	Svrha progrma	Primalac/nosilac programa	Iznos u KM
1.	Kapitalni grantovi neprofitnim organizacijama – spomen obilježje Biljani, ekonomski kod 615 300-GAV 017	Završetak izgradnje spomen obilježja Biljani	Medžlis Islamske zajednice Općine Ključ	50.000,00
	UKUPNO:			50.000,00

II

Isplata iz tačke I ove Odluke vršit će se iz sredstava utvrđenih u razdjelu 16 Budžeta Unsko-sanskog kantona za 2020. godinu, sa ekonomskog koda 615 300 - GAV 017.

III

Zadužuje se ministar Ministarstva za pitanja boraca i ratnih vojnih invalida da donese posebno rješenje o isplati, te formira komisiju za odobravanje sredstava za šehidske nišane i spomen obilježja.

IV

O realizaciji ove Odluke starat će se Ministarstvo za pitanja boraca i ratnih vojnih invalida i Ministarstvo finansija, svako u okviru svojih nadležnosti.

V

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-017-2193/2020

PREMIJER KANTONA

24. septembar 2020. godine

B i h a ć

mr.sci. Mustafa Ružnić

Red broj	SVRHA PROGRAMA	NAZIV PROGRAMA	ORGANIZACIJA PRIMALAC	IZNOS U KM
1.	Finansijska podrška radu Centra za razvoj inkluzivnih praksi za potrebe usluga stručnog obrazovanja uposlenika i nabavku opreme	Tekući grant- Podrška radu centara za razvoj inkluzivnih praksi	JU OŠ „Cazin II“ Cazin	5.000,00
	Ukupno:			5.000,00

II

Isplata iz tačke I ove Odluke teretit će sredstva utvrđena u razdjelu 17. Budžeta Unsko-sanskog kantona za 2020. godinu, ekonomskog koda 614100 HAL 003- Podrška radu centara za razvoj inkluzivnih praksi.

III

Zadužuje se JU OŠ „Cazin II“ Cazin da, u roku od 60 dana od dana doznačavanja sredstava iz tačke I ove Odluke, dostavi izvještaj Ministarstvu zdravstva, rada i socijalne politike, a Ministarstvo će o istom izvijestiti Vladu Unsko-sanskog katona.

912.

Na osnovu člana 16. Zakona o Vladi Unsko - sanskog kantona („Službeni glasnik Unsko - sanskog kantona“, broj 5/08), a u skladu sa članom 52. Zakona o izvršavanju Budžeta Unsko-sanskog kantona za 2020. godinu („Službeni glasnik Unsko-sanskog kantona“, broj: 7/20 i 19/20), na prijedlog Ministarstva zdravstva, rada i socijalne politike, Vlada Unsko-sanskog kantona, na sjednici održanoj dana 24. 9. 2020. godine, d o n o s i

ODLUKU**o usvajanju Programa utroška dijela sredstava tekućeg granta -Podrška radu centara za razvoj inkluzivnih praksi****I**

Usvaja se Program utroška dijela sredstava tekućeg granta-Podrška radu centara za razvoj inkluzivnih praksi, iz Budžeta Unsko-sanskog kantona za 2020. godinu, u iznosu od 5.000,00 KM (slovima: pethiljadakonvertibilnih maraka), kako slijedi:

IV

Za realizaciju ove Odluke zadužuje se Ministarstvo zdravstva, rada i socijalne politike, Ministarstvo finansija i JU OŠ „Cazin II“ Cazin, svako u okviru svoje nadležnosti.

V

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-017-2187/2020

PREMIJER KANTONA

24. septembar 2020. godine

B i h a ć

mr.sci. Mustafa Ružnić

V

Komisija za javne nabavke je dužna da djeluje od dana imenovanja do okončanja svih poslova vezanih za javnu nabavku.

VI

U okviru postavljenog zadatka Komisija će izvršiti:

- otvaranje zahtjeva za učešće,
- provođenje javnog otvaranja ponuda,
- pregledavanje, ocjenu i uspoređivanje ponuda,
- sačinjavanje zapisnika o ocjeni ponuda,
- sačinjavanje izvještaja o postupku javne nabavke,
- davanje preporuke Vladi za donošenje odluke o odabiru najpovoljnijeg ponuđača ili odluke o poništenju postupka nabavke,
- druge poslove i zadatke vezane za provođenje postupka.

VII

Komisija djeluje u granicama ovlaštenja datih ovim Rješenjem, a u skladu sa članom 8. Pravilnika o uspostavljanju i radu komisije za nabavke („Službeni glasnik Bosne i Hercegovine“, broj: 103/14). Prije početka rada Komisija je dužna da donese poslovnik o radu komisije.

VIII

Ovo Rješenje se primjenjuje od dana donošenja.

Broj: 03-017-2164/2020

17. septembar 2020. godine

B i h a ć

PREMIJER KANTONA

mr.sci. Mustafa Ružnić

932.

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), Vlada Unsko-sanskog kantona na sjednici održanoj dana 22. 9. 2020. godine, d o n o s i :

R J E Š E N J E

o izmjeni Rješenja Vlade Unsko-sanskog kantona broj: 03-017-01/2018 od 21.12.2018. godine i broj: 03-017-1156/2019 od 21.11.2019. godine

I

U tački I Rješenja Vlade Unsko-sanskog kantona broj: 03-017-01/2018 od 21.12.2018. godine i broj: 03-017-1156/2019 od 21.11.2019. godine riječi „za sekretara Komisije imenuje se Azmira Fejzić“ zamjenjuju se riječima „za sekretara Komisije imenuje se Emina Miljković“, a riječi „a za zamjenika sekretara Komisije imenuje se Emina Miljković“ se brišu.

II

Ovo Rješenje stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-017-2183/2020

22. septembar 2020. godine

B i h a ć

PREMIJER KANTONA

mr.sci. Mustafa Ružnić

933.

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), člana 155. i 156. Zakona o osnovnom i općem srednjem odgoju i obrazovanju („Službeni glasnik Unsko-sanskog kantona“, broj: 5/04, 7/10 i 12/19) i akta JU OŠ „Ahmet Hromadžić“ Bosanski Petrovac, broj: 842/20, na prijedlog Ministarstva obrazovanja, nauke, kulture i sporta, Vlada Unsko-sanskog kantona na sjednici održanoj dana 17. 9. 2020. godine, d o n o s i :

R J E Š E N J E

o imenovanju članova Školskog odbora JU OŠ „Ahmet Hromadžić“ Bosanski Petrovac

I

Za članove Školskog odbora JU OŠ „Ahmet Hromadžić“ Bosanski Petrovac imenuju se:

1. Senada Mahmutspahić - iz reda uposlenika,
2. Jasna Družić - iz reda uposlenika,
3. Azra Terzić - iz reda roditelja,
4. Nikolina Simić - iz reda lokalne zajednice.

S A D R Ź A J**SKUPŠTINA UNSKO-SANSKOG KANTONA**

- 885.** Zakon o turizmu **1**
- 886.** Zakon o izmjenama Zakona o sudskim taksama **32**
- 887.** Odlukao davanju saglasnosti za kreditno zaduženje za likvidnost putem revolving kredita, ZU Kantonalnoj bolnici „Dr. Irfan Ljubijankić“ Bihać **33**
- 888.** Odluka o izmjenama Odluke o neposrednom učešću osiguranih lica u troškovima korištenja zdravstvene zaštite na teritoriji Unsko - sanskog kantona **33**
- 889.** Zaključak Skupštine Unsko - sanskog kantona broj: 01-02-4-256/20 od 21. 9. 2020. godine **34**
- 890.** Zaključak Skupštine Unsko - sanskog kantona broj: 01-02-4-257/20 od 21. 9. 2020. godine **34**
- 891.** Zaključak Skupštine Unsko - sanskog kantona broj: 01-02-4-258/20 od 21. 9. 2020. godine **34**
- 892.** Zaključak Skupštine Unsko - sanskog kantona broj: 01-02-4-273/20 od 21. 9. 2020. godine **34**
- 893.** Zaključak Skupštine Unsko - sanskog kantona broj: 01-02-4-272/20 od 21. 9. 2020. godine **35**
- 894.** Zaključak Skupštine Unsko - sanskog kantona broj: 01-02-4-271/20 od 21. 9. 2020. godine **36**
- 895.** Zaključak Skupštine Unsko - sanskog kantona broj: 01-02-4-274/20 od 21. 9. 2020. godine **36**
- 896.** Zaključak Skupštine Unsko - sanskog kantona broj: 01-02-4-261/20 od 21. 9. 2020. godine **36**
- 897.** Zaključak Skupštine Unsko - sanskog kantona broj: 01-02-4-262/20 od 21. 9. 2020. godine **36**
- 898.** Zaključak Skupštine Unsko - sanskog kantona broj: 01-02-4-263/20 od 21. 9. 2020. godine **37**
- 899.** Zaključak Skupštine Unsko - sanskog kantona broj: 01-02-4-264/20 od 21. 9. 2020. godine **37**
- 900.** Zaključak Skupštine Unsko - sanskog kantona broj: 01-02-4-265/20 od 21. 9. 2020. godine **37**
- 901.** Zaključak Skupštine Unsko - sanskog kantona broj: 01-02-4-266/20 od 21. 9. 2020. godine **37**

- 902.** Zaključak Skupštine Unsko - sanskog kantona broj: 01-02-4-267/20 od 21. 9. 2020. godine **38**
- 903.** Zaključak Skupštine Unsko - sanskog kantona broj: 01-02-4-268/20 od 21. 9. 2020. godine **38**
- 904.** Zaključak Skupštine Unsko - sanskog kantona broj: 01-02-4-269/20 od 21. 9. 2020. godine **38**
- 905.** Zaključak Skupštine Unsko - sanskog kantona broj: 01-02-4-270/20 od 21. 9. 2020. godine **38**

VLADA UNSKO - SANSKOG KANTONA

- 906.** Odluka o usvajanju Programa utroška dijela sredstava Budžeta Unsko - sanskog kantona za 2020. godinu, Kapitalni transferi drugim nivoima vlasti i fondovima – Grad Cazin **39**
- 907.** Odluka o usvajanju Programa utroška sredstava tekućeg granta Transferi za zdravstvo- Zavod za javno zdravstvo - strategija razvoja zdravstva na USK 2021.-2026. godina iz Odluke o izmjenama i dopunama Budžeta Unsko - sanskog kantona za 2020. godinu **40**
- 908.** Odluka o usvajanju Programa utroška dijela sredstava tekućeg granta od višeg nivoa vlasti (Vlade Federacije BiH) - namjenska sredstva, Transferi za zdravstvo - domovi zdravlja i gradske apoteke za ZU Dom zdravlja Bosanska Krupa iz Budžeta Unsko - sanskog kantona za 2020. godinu **41**
- 909.** Odluka o usvajanju Programa utroška dijela sredstava tekućeg granta od višeg nivoa vlasti (Vlade Federacije BiH) - namjenska sredstva, Transferi za zdravstvo - domovi zdravlja i gradske apoteke za ZU Dom zdravlja Ključ iz Budžeta Unsko - sanskog kantona za 2020. godinu **41**
- 910.** Odluka o usvajanju Programa utroška sredstava tekućeg granta - Grantovi neprofitnim organizacijama – Roditeljska kuća Udruženja „Srce za djecu oboljelu od raka“ **42**
- 911.** Odluka o usvajanju Programa utroška sredstava Kapitalnih grantova neprofitnim organizacijama – Spomen obilježje Biljani **42**
- 912.** Odluka o usvajanju Programa utroška dijela sredstava tekućeg granta - Podrška radu centara za razvoj inkluzivnih praksi **43**

- 913.** Odluka o usvajanju Programa utroška sredstava - Grant neprofitnim organizacijama- Udruženje intelektualaca za 2020. godinu **44**
- 914.** Odluka o usvajanju Programa utroška dijela sredstava - Grantovi neprofitnim organizacijama broj: 03-017-2149/2020 od 17. 9. 2020. godine **45**
- 915.** Odluka o usvajanju Programa „Subvencije - Fond za organiziranje grupacija u poljoprivredi“ iz Budžeta Unsko-sanskog kantona za 2020. godinu **46**
- 916.** Odluka o davanju saglasnosti na Sporazum o produženju važenja Kolektivnog ugovora o pravima i obavezama poslodavaca i radnika u oblasti zdravstva na teritoriji Unsko - sanskog kantona **47**
- 917.** Odluka o dopuni Odluke o načinu i uslovima za raspodjelu budžetskih sredstava Ministarstva za građenje, prostorno uređenje i zaštitu okoliša za 2020. godinu, broj: 03-017-2034/2020 od 06.08.2020. godine **47**
- 918.** Odluka o izmjenama Odluke Vlade Unsko - sanskog kantona broj: 03-017-1059/2019 od 31. 10. 2019. godine **48**
- 919.** Odluka o izmjenama Odluke Vlade Unsko - sanskog kantona broj: 03-017-1301/2019 od 26. 12. 2019. godine **48**
- 920.** Odluka o izmjenama Odluke Vlade Unsko - sanskog kantona broj: 03-017-1259/2019 od 20. 12. 2019. godine **49**
- 921.** Odluka o dopuni Odluke Vlade Unsko - sanskog kantona broj: 03-017-1661/2020 od 20. 04. 2020. godine **49**
- 922.** Odluka o preraspodjeli sredstava iz Budžeta Unsko - sanskog kantona za 2020. godinu broj: 03-017-2151/2020 od 17.9.2020. godine **49**
- 923.** Odluka o preraspodjeli sredstava iz Budžeta Unsko - sanskog kantona za 2020. godinu broj: 03-017-2179/2020 od 22.9.2020. godine **50**
- 924.** Odluka o preraspodjeli sredstava iz Budžeta Unsko - sanskog kantona za 2020. godinu broj: 03-017-2188/2020 od 24.9.2020. godine **50**
- 925.** Odluka o usmjeravanju donacije broj: 03-017-2189/2020 od 24.9.2020. godine **51**
- 926.** Odluka Vlade Unsko - sanskog kantona broj: 03-017-2145/2020 od 17.09.2020. godine **52**
- 927.** Odluka Vlade Unsko - sanskog kantona broj: 03-017-2146/2020 od 17.09.2020. godine **52**
- 928.** Odluka Vlade Unsko - sanskog kantona broj: 03-017-2147/2020 od 17.09.2020. godine **53**
- 929.** Odluka Vlade Unsko - sanskog kantona broj: 03-017-2153/2020 od 17.09.2020. godine **53**
- 930.** Zaključak Vlade Unsko - sanskog kantona broj: 03-017-2154/2020 od 17.09.2020. godine **53**
- 931.** Rješenje o imenovanju komisije za javne nabavke u toku 2021. godine **54**
- 932.** Rješenje o izmjeni Rješenja Vlade Unsko-sanskog kantona broj: 03-017-01/2018 od 21.12.2018. godine i broj: 03-017-1156/2019 od 21.11.2019. godine **54**
- 933.** Rješenje o imenovanju članova Školskog odbora JU OŠ „Ahmet Hromadžić“ Bosanski Petrovac **55**
- MINISTARSTVO ZA PITANJE BORACA I RATNIH VOJNIH INVALIDA**
- 934.** Rješenje o imenovanju Radne grupe za izradu teksta Zakona o dopunskim pravima branilaca i članova njihovih porodica **56**
- MINISTARSTVO ZDRAVSTVA, RADA I SOCIJALNE POLITIKE**
- 935.** Sporazum o produženju važenja Kolektivnog ugovora o pravima i obavezama poslodavaca i radnika u oblasti zdravstva na teritoriji Unsko - sanskog kantona **57**
- OGLASI O POSTAVLJANJU PRIVREMENIH ZASTUPNIKA OPĆINSKIH SUDOVA**
- 936.** Rješenje o postavljanju privremenog zastupnika broj: 22 0 P 047478 19 P od 27. 8. 2020. godine, Općinskog suda u Sanskom Mostu **57**

OBAVJEŠTENJE

Obavještavamo pravna i fizička lica, dosadašnje pretplatnike, kao i lica koja žele da se pretplate za „Službeni glasnik Unsko-sanskog kantona“ za ovu godinu, da godišnja pretplata iznosi 200 KM, za elektronsku verziju jednog broja (CD)10KM, a za internet izdanje 100 KM a može se izvršiti na račun broj 3380002210005877 u korist budžeta USK-a, vrsta prihoda 722631, budžetska organizacija 3201001, identifikacijski broj 4263249630000. Izdavač: Vlada Unsko-sanskog kantona, Ulica Alije Đerzeleza broj 2 Bihac; Telefon 316-000 Za izdavača: Šefik Veladžić; Redakcija tel. 316-018, 316-003 i pretplata: tel. 316-001, fax 227-796